

陳嵩伯詩集

劍浦 陳 陶 嵩伯

塗山懷古

落拓書劍晚清秋，鷹正籠塗山間來。上敬愛如
登龍覽古覺神王，脩然天地空東南。更何有一
醉先王風，惟昔放勳世。陰晦輒成洪，皇圖化魚
鼈。天道漂無蹤，帝迺命舟楫。掇芳儒素中，高陳
九州力。百道驅歸東，舊物復光明。洪爐再埏鎔，
經門不私子。示知天下公，亮曰邗並生。唐虞禪
華蟲，茲山朝萬國。一賦寰海同，十載有區寓。秋

毫皆帝功垂衣不驕德子桀如何聳握髮聞禮
賢葺茅見卑宮凡夫色難事神聖安能恭道德
三千年遺芳播笙鏞當時執圭處佳氣仍童童
海嶼儼清廟天人盛祇供玄恩及花木丹讖名
崆峒異代草澤臣何由樹勛庸堯階未曾識誰
信平生忠恨不當際會預爲執鞭僮勞歌下山
去懷德心無窮

悲哉行

中岳仇先生遺余餌松方服之一千日肢體生
異香步履如風旋天涯一齋糧仍云爲地仙不
得朝虛皇狡兔有三穴人生又何常悲哉二廉
士餓死於首陽

寄元孚道人

梵宇章句客佩蘭三十年長乘碧雲馬時策翰
林鞭曩事五岳遊金衣曳祥煙高扳桐君手左
倚鸞鷲肩哭玉秋雨中摘星春風前橫斬截洪
偃憑几見廣宣爾來寤華胥石壁孤雲眠龍降
始得偈龜老方巢蓮內殿無文僧騶虞誰能牽
因之問楚水弔屈幾潺湲

旅次銅山途中先寄温州韓使君

亂山滄海曲中有橫陽道東馬過銅梁茗華坐
堪老鳩鳴高崖裂熊鬪深樹倒絕壑無坤維重
林失蒼昊躋攀寡儔侶扶接念輿阜俛仰慄嵌
空無因掇靈草梯窮聞戎鼓覓續賴丘禱敞豁
天地歸縈紆村落好悠悠思蔣逕擾擾愧商皓
馳想永嘉侯應傷此懷抱

早發始興

雲裏山已曙舟中火初熱綠浦待行橈玄猿催
落月沿流信多美況復秋風發掛席借前期晨
雞莫嘲嗒

贈周太史

英華作贈江西周大夫
一作贈周太史

否極生大賢九元降靈氣獨立正始風蔚然中
興瑞淵淪照三古磊落涵涇渭真貌月懸秋雄
詞雷出地具瞻先皇寵欲踐東華貴咫尺時不
來千秋鼎湖淚因分三輔職進領南平位報政
黃霸慙觀兵呂蒙醉歲星臨斗牛水國嘉祥至
不獨蒼生蘇仍兼六駟喜恭聞廟堂略欲斷匈
奴臂剗釋自宸衷平戎在連帥時康簪笏冗世
梗忠良議丘壑非無人松香有私志三朝倚天
劍十萬浮雲騎可使河曲清羣公信兒戲滄溟

用謙德百谷走童稚禦衆付深人參籌須偉器
他年蓬華賤願附鵷鸞翅

避世翁

海上一蓑笠終年垂釣絲滄洲有深意冠蓋何
由知直鉤不營魚蝸室無妻兒渴飲寒泉水飢
餐紫靈芝雀髮披兩肩高懷如澄陂嘗聞仙老
言云是古鷗夷石竇閔雷雨金潭養蛟螭乘槎
上玉津騎鹿遊峨嵋以人爲語默與世爲雄雌
茲焉迺磻溪豹變應須時自古隱淪客無非王
者師

番禺道中作

博羅程遠近海塞愁先入瘴雨出虹蜺蠻江渡
山急常聞島夷俗犀象滿城邑鴈至草猶春潮
迴檣半濕丹丘鳳凰隱水廟蛟龍集何處樹能
言幾鄉珠是泣千年趙佗國霸氣委原隰齷齪
笑終軍長纓禍先及

宿島徑夷山舍

百里遵島徑逢征信遭迴暝依漁樵宿似遇黃
金臺缺齧心未理寥寥夜猿哀山深石牀冷海
近腥氣來主人意不淺屢獻流霞杯對月撫長

劍愁襟紛莫開九衢平如水何爲陟崔嵬一飯
未遑飽鵬圖信悠哉山濤詭細君吾豈厭蓬萊
明登又驅馬客思一徘徊

和江南李助副使早登開元寺閣

虛豁登寶閣三休極層構獨立天地閒煙雲滿
襟袖鰲荒初落日劍野呈綺繡愁檻祝融微陰
軒九江湊拂簷黃姑舍錯落白榆秀倚砌天竺
祠蛟龍蟠古甃脩然觀六合一指齊宇宙書劍
忽若青雲日方晝南朝空蒼莽楚澤稀耕耨
萬事溺頽波一航安可沒徒云寄麟泣六五終

難就資斧念餘生湖光隱圭竇早聞羣黃雀飄
舉此江岫陵谷空靄然人樵已雛鷺燕宮豸冠
客憑覽發清奏珠玉難嗣音縱轅媿孤陋

蒲門戍觀海作

廓落溟漲曉蒲門鬱蒼蒼登樓禮東君旭日生
扶桑毫釐見蓬瀛吞吐金銀光草木露未晞蜃
樓氣若藏欲遊蟠桃國慮涉魑魅鄉徐市惑秦
朝何人在岩廊惜哉千童子葬骨於渺茫恭聞
槎客言東池接天潢即此聘牛女曰衿長壽方
靈津水深淺余亦慕修航

盧埃石送沈次魯南遊

一作盧埃石
送沈次魯

高臺贈君別滿握軒轅風落日一揮手金鷺雲
雨空鰲洲石梁外劍浦羅浮東茲興不可接脩
脩煙際鴻

懷仙吟二首

丹陵五霞客昨日羅浮歸赤斧尋不得煙霞空
滿衣試於華陽問果遇三茅知採藥向十洲同
行牧羊兒十洲隔八海浩淼不可期空留雙白
雀巢在長松枝

雲溪古流水春晚桃花香憶與我師別片帆歸
滄浪滄浪在何許相思淚如雨黃雀不復來雲
深離別處石渠泉泠泠三見菖蒲生日夜勞覓
夢隨波注東溟空懷別時惠長讀消魔經

種蘭

種蘭幽谷底四遠聞馨香春風長養深枝葉趁
人長智水潤其根仁鋤護其芳蒿藜不生地惡
鳥弓已藏椒桂夾四隅茅茨居中央左鄰桃花
塢右接蓮子塘一月薰手足兩月薰衣裳三月
薰肌骨四月薰心腸幽人飢如何採蘭充餽糧
幽人渴如何醞蘭爲酒漿地無青苗租白日如

散王不嘗仙人藥端坐紅霞房日夕望美人佩
花正煌煌美人久不來佩花徒生光刈穫及歲
蕤無令見雪霜清芬信神鬼一葉豈可忘舉頭
愧青天鼓腹詠時康下有賢公卿上有聖明王
無階苔風雨願獻蘭一筐

草木言

何生我蒼蒼何育我黃黃草木無知識幸君同
三光始自受姓名葳蕤立表裳山河既分麗齊
首乳青陽甘辛各有榮好醜不相防常憂刀斧
劫竊慕仁壽鄉願天雨無暴願地風無狂雨足

因衰憊風多因天傷在山不爲桂徒辱君高岡
在水不爲蓮徒占君深塘勿輕培塿阜或有竒
棟梁勿輕蒙朧澤或有竒馨香消毫可麓差朝
菌壽爲長臃腫若無取大椿命爲殤婆娑不材
生苒苒向秋荒幸遭薰風日有得皆簸揚所愧
雨露恩願效幽微芳希君頻采擇勿使枯雪霜

遊子吟

栖烏喜林曙驚蓬傷歲闌關河三尺雪何處是
天山朔風無重衣僕馬飢且寒慘戚別妻子遲
回出門難男兒值休明豈是長泥蟠何者爲木

偶何人待金鑿鬱鬱守貧賤悠悠亦無端進不
啻功名退不處岩巒窮通在何日光景如跳丸
富貴苦不早令人摧心肝誓期春之陽一振摩
霄翰

將歸鍾陵留贈南海李尚書

楚國有田舍炎州長夢歸懷恩似秋燕屢遶玉
堂飛越酒豈不甘海魚寧無肥山裘醉歌舞事
與初心違曄曄文昌公英靈世間稀長江浩無
際龍蜃皆歸依賤子感一言草茅發光輝從來
雞鳧質得假鳳凰威常欲討玄珠青雲報巍巍
龍門竟多故雙淚別旌旂

海昌望月

何處無今夕豈期在海頭賈客不愛月嬋娟閑
滄洲浩然傷歲華獨望湖邊樓煙島青歷歷藍
田白悠悠誰無破鏡期繫我信虛舟誰無桂枝
念繫我方摧輶始見彎環春又逢團圓秋莫厭
綾扇夕百年多銀鈎金盤誰雕鑿玉窟難冥搜
重輪運時節三五不自由疑拋雲上鍋欲樓天
邊毬孀居應寒冷擣藥青冥愁兔子樹下蹲蝦
蟆池中遊如何名金波不共水東流天花辟膾

腥野雲無邊陬蚌蛤乘大運含珠相對酬夜鵲
思南鄉露華清東甌百寶安可覩老龍鎖深湫
究究如情人盜者如仇讎海涯上皎潔九門更
清幽亭亭勸金尊夜久喘吳牛夷俗皆輕擲北
山思遨遊鴈聲故鄉來客淚墮南州平生煙霞
志讀書覓封侯四海尚白身豈無故鄉羞塹坎
何足歎壯如水中虬獵獵谷底蘭搖搖波上鷗
中逾喪資斧兩地生繁憂一杯太陰君鵞鷓豈
無求明日將片葉三山東南浮

題僧院紫竹

喜遊蛟井寺復見炎州竹杳靄萬丈間嘯風清
獨速江南正霜霰吐秀美顛頊似瑞驚堅貞如
魔試金粟笋非孝子泣文異湘靈哭金碧誰與
鄰蕭森自成族新聞赤帝種子落毛人谷遠祖
賜鷓鴣遺芳徧南陸對煙蘇麻醜夾澗篔簹伏
美譽動丹青瓌姿艷秦蜀因緣鹿苑識想像蛇
丘劖幾葉別黃茅何年依白足龍樹蟄一花砌
瑤埽雲屋色靜曼仙花名高給孤獨青葱太子
樹灑落觀音目法雨每沾濡玉毫時照燭離居
鸞節變住冷金顏縮豈念葛陂榮幸無祖父辱

光搖水精串影送蓮花軸江鶩日相尋野鷄時
寄宿幽香入茶竈靜翠直棋局肯羨垣上蒿自
多籬下菊從來道生一況伴龜藏六樓託詎星
迴檀欒已雲矗霞杯傳縹葉羽管吹紫玉久絕
釣竿歌聊裁竹枝曲愧生黃金地千秋爲師綠

贈別

海國一尺綺冰壺萬縷絲以君西攀桂贈此金
蓮枝高鳥思茂林窮魚樂洿池平生握中寶無
使歲寒移

殿前生桂樹

仙娥玉宮秋夜明桂枝拂檻參差瓊香風下天
漏丁丁牛渚翠梁橫淺清羽帳不眠恨吹笙棲
鳥暗驚仙子落步月髣雲墮金雀蕙樓涼簟翠
波空銀縷香寒鳳凰薄東海卽爲郎斟酌綺疏
長懸七星杓

將進酒

金罇莫倚青春健齷齪浮生如走電琴瑟盤傾
從世珠黃泥局瀉流年箭麻姑爪禿瞳子昏東
皇肉角生魚鱗靈鼈柱骨半枯朽驪龍德悔愁
耕人周孔著龜久淪沒黃蒿誰認賢愚骨兔苑

詞才去不還蘭亭水石空明月姮娥弄簫香兩
收江濱迸瑟魚龍愁靈芝九折楚蓮醉翔風一
嘆梁庭秋醪亞蠻觥奉君壽玉山三獻春紅透
銀鴨金鷺言待誰隋家岳瀆皇家有珊瑚座上
凌香雲鳳臙龍炙猩猩脣芝蘭此日不傾倒南
山白石皆賢人文康調笑麒麟起一曲飛龍壽
天地

冬夜吟

黑帝天寒愁散玉東皇海上張仙燭侯家歌舞
按梨園石氏賓寮醉金谷魯家檐榆闇披冰雪
花燈下甘垂翅散帙高編折桂枝披紗密翫青
雲地霜白溪松轉斜蓋銅龍喚曙咽聲細八埏
螻蟻厭寒棲早晚青旗引春帝展轉城烏啼紫
煙矇矓千騎衙樓前

錢塘對酒曲

風天雁悲西陵愁使君紅旗弄濤頭東海神魚
騎未得江天大笑閑悠悠差峩吳山莫誇碧河
陽經年一宵白南州彩鳳爲君生古獄愁蛇待
恩澤三清羽童來何遲十二玉樓蝴蝶飛炎荒
翡翠九門去遼東白雀無家歸鴟夷公子休悲

悄六鰲如鏡天始曉尊前事去月團圓琥珀無
情憶蘇小

西川座上聽金五雲唱歌

蜀王殿上華筵開五雲歌從天上來滿堂羅綺
悄無語喉音止駐雲徘徊管弦金石還依轉不
隨歌出靈和殿白雪飄飄席上來貫珠歷歷聲
中見舊樣釵篸淺澹衣元和梳洗青黛眉低叢
小鬢膩髮鬢碧牙鏤掌山參差曲終暫起更衣
過還向南行座頭坐低眉欲語謝貴侯檀臉雙
雙淚穿破自言本是宮中嬪武皇改號承新恩

德果切小貌
前髮及者

中丞御史皆當
時宮中歌者

中丞御史不足比水殿一聲愁殺人武皇鑄鼎
登真籙嬪御蒙恩免幽辱茂陵弓劍不得親嫁
與卑官到西蜀卑官到官年未周堂衡祿罷東
西遊蜀江水急駐不得復此萍蓬二十秋今朝
得侍王侯宴不覺途中妾身賤願持卮酒更唱
歌歌是伊州第三遍唱著右丞征戎詞更聞閨
月添相思如今聲韻尚如在何況宮中年少時
五雲處處可憐許明朝道向褒中去須臾宴罷
各東西兩散雲飛莫知處

步虛詞二首
仙人詞二首

小仙皆云十洲客莓苔為衣雙耳白青編為我
忽隱身暮雨紅霞一千尺

赤城門開六丁直曉日已紅東海色朝天半路
聞玉雞星斗離離礙龍翼

一本後四句
另作一首

關山月

昔年嫖姚護羌月今照嫖姚雙鬢雪青塚曾無
尺寸歸錦書曾寄窮荒骨百戰金瘡體沙磧鄉
心一片懸秋碧漢帝應啼破鏡時胡塵萬里嬋
娟隔度磧衝雲朔風起邊笳欲晚生青珥隴上
橫吹霜色刀何年斷得匈奴臂

空城雀

古城濛濛花覆水昔日住人今住鬼野雀荒臺
遺子孫十年飲啄枯桑根不隨海燕柏梁去應
無玉環銜報恩近村紅粟香壓枝嗷嗷黃口訴
朝飢生來未見鳳凰語欲飛常怕蜘蛛絲斷腸
四隅天四絕清泉綠蒿無恐疑

贈別離

碧玉飛天星墜地玉劍分風交合水楊柳聽歌
莫向隅雞鳴一石留鬣醉蹄輪送客溝水東月
娥揮手崦嵫峯蠻天列嶂儼相待風官埽道迎

遊龍天姥翦霞鋪曉空滢滢大帝開明宮文鯨
掉尾四海通分明瀑布收靈桐山妖水魅騎旋
風魘夢齧魂黃瘴中借君朗鑒入崆峒靈光草
照閑花紅

古鏡篇

紫皇玉鏡蟾蜍字墮地千年光不死發匣身沈
古井寒懸臺日照愁成水海戶山窻幾梳綰菱
花開落何人見野老曾畊太白星辰孤夜哭秋
天片下國青銅旋磨滅迴鸞萬影成枯骨會待
搏風雨次寥長恐莓苔蝕明月

小弄篴

英華作小篴弄

一尺玲瓏握中翠仙孤月浦呼龍子五夜流珠
粲夢鄉九清鸞倚洪崖醉丹穴飢兒笑風雨媧
皇碧玉星星語蛇蝎愁聞骨髓寒江山恨老眠
秋霧綺席鴛鴦冷朱翠星流露泣誰驅使江南
一曲罷伶倫芙蓉水殿春風起

謫仙詞

牧龍丈人病高秋羣童擊節星漢愁瑤臺鳳輦
不勝恨太古一聲龍白頭玉氣蘭光久摧折上
清雞犬音書絕霓旌失手遠于天三島空雲對

秋月人間磊磊浮漚客鷺鷥蜻蜒飛自隔不應
冠蓋逐黃埃長夢真君舊恩澤

雞鳴曲

雞聲春曉上林中一聲驚落蝦蟇宮二聲喚破
枕邊夢三聲行人煙海紅平旦慵將百雛語蓬
鬆錦繡當陽處媿君飲食長相呼爲君書鳴下
高樹

獨搖手

漢宮新燕矜蛾眉春臺艷裝蓮一枝迎春侍宴
瑤華池遊龍七盤嬌欲飛冶袖鶯鸞拂朝曦摩

煙裊雪金碧遺愁鴻連翮蠶曳絲颯還明珠掌
中移仙人龍鳳雲雨吹朝哀暮愁引喔咿鴛央
翡翠承宴私南山一笑君無辭仙娥泣月清露
垂六宮燒燭愁風欹

巫山高

玉峯翠聳十二枝金母和雲賜瑤姬花宮磊砢
楚宫外列仙八面星斗垂秀色無雙怨三峽春
風幾夢襄王獵青鸞不在嬾吹簫斑竹題詩寄
江妾飄飄散絲巴子天苔裳玉轡紅霞幡歸時
白帝掩青瑣瓊枝草草遺湘煙

塞下曲二首

邊頭能走馬猿臂李將軍射虎羣胡伏開弓絕
塞聞海山諳向背攻守別風雲只爲坑降罪輕
車未轉勛
望胡關下戰雜虜喪全師烏啄豺狼將沙埋日
月旗牛羊奔赤狄部落散燕耆都護凌晨出銘
功瘞死屍

題居上人法華新院

浮名深般若方寺設蓮花鍾唄成僧國湖山稱
法家一塵多寶塔千佛大牛車能誘泥犁客超

然識聚沙

湓城贈別

楚岸青楓樹長隨送遠心九江春水闊三峽暮
雲深氣調桓伊篳才華蔡琰琴迢迢嫁湘漢誰
不重黃金

送秦煉師

紫府靜沈沈松軒思別吟一作水流寧有意雲泛本
無心錦洞桃花遠青山竹葉深不因時賣藥何
路更相尋

自歸山

海岳南歸遠天門北望深暫為青瑣客難換白
雲心富貴老閑事猿猱思舊林清平無樂志罇
酒有瑤琴

清源途中旅思

古木閩州道驅羸落照間投村礙野水問店隔
荒山身事幾時了蓬飄何日閑看花滯南國鄉
月十灣環

南海送韋七使君赴象州任

一鷲韋公子新恩領郡符島夷通荔浦龍節過
蒼梧地理金城近天涯玉樹孤聖朝朱紱貴從

此展雄圖

南海石門戍懷古

漢家征百越落地喪貔貅大野朱旗沒長江赤
血流鬼神尋覆族宮廟變荒丘惟有朝臺月千
年照戍樓

濟浙江

適越一輕艘凌競截鷺濤曙光金海近晴雪玉
峯高靖寇思投筆傷時欲釣鰲壯心殊未展登
涉漫勞勞

賦得池塘生春草

謝公遺咏處池水夾通津古往人何在年來草
自春色宜波際綠香異雨中新今日青青意空
悲行路人

哭寶月三藏大禪師

五峯習聖罷乾竺化身歸帝子傳真印門人哭
寶衣一囊窮海沒三藏故園稀無復天花落悲
風滿鐵圍

題贈高閑上人

蒼蘊花間客軒轅席上珍筆江秋菡萏僧國瑞
麒麟內殿初招隱曹溪得後塵龍蛇驚粉署花

雨對金輪白馬方依漢朱星又入秦劇談凌鑿
齒清論倒波旬拂石先天古降龍舊國春珠還
合浦老龍去玉州貧鴛鴦輸黃絹場壇遶白蘋
鼎湖閑入夢金閣靜通神海氣成方丈山泉落
淨巾獼猴深愛月鷗鳥不猜人拂岳蕭蕭竹垂
空澹澹津漢珠難覓對荆璞本來真伊傳多聯
壁劉雷競買鄰江邊有國寶時為劬星辰

哭王贊府

白水流今古青山送死生驅馳三楚掾倏忽一
空名金玉埋臯壤芝蘭哭弟兄龍頭孤後進鵬

翅失前程愁變風雲色悲連鼓角聲落星辭聖
代寒夢閉佳城伊昔來江邑從容副國英德踰
棲棘美公亞飲冰清大厦忘孤直羣儒憶老成
白駒悲里巷梁木慟簪纓隴遂添新草珠還滿
舊籟蒼蒼難可問原上晚煙橫

聖帝擊壤歌四十聲

百六承堯緒艱難土運昌太虛橫慧宇中野鬪
豺狼帝曰更吾嗣時哉憶聖唐英皇垂將校神
岳誕忠良鍊石醫元氣屠鼈正昊蒼埽原鋪一
德驅稂立三光大道重蘇息真風再發揚芟夷

踰舊跡神聖掩前王郊酒酣寥廓鴻恩受渺茫
地圖龜負出天誥鳳銜將雜貢來山峙羣夷入
鴈行紫泥搜海岱鴻筆富岩廊象敷宸極寰
瀛作瑞坊泥丸封八表金鏡照中央構殿麟
趾開藩表鳳翔鑾輿親稼穡朱幌務蠶桑戎羯
輸天馬靈仙侍玉房宮儀水精甲門衛綠沈槍
陶鑄超三古車書混萬方時巡望虞舜蒐狩法
殷湯化合謳謠滿年豐鬼蜮藏政源歸牧馬公
法付神羊寶鼎無靈應金甌肯破傷封山昭茂
績祠執荅嘉祥在昔宮闈僭仍罹羿浞殃牝雞

何叡藹猗犬漫劬勦苗禱三靈怒桓偷九族亡
鯨鯢尋掛網魑魅旋投荒松柏霜逾翠芝蘭露
更香聖謨流祚遠仙系發源長島嶼征徭薄漪
瀾汎稻涼鳧魚饜餐啖荷葉足衣裳寤寐華胥
國嬉遊太素鄉鷹鷗飛接翼忠孝住連牆有叟
能調鼎無媒隱釣璜乾坤資識量江海入文章
野雀思蓬闕山麋憶廟堂泥沙空淬礪星斗屢
低昂歷草何因見衢樽豈暫忘終隨嘉橘賦霄
漢謁羲皇

題豫章西山香城寺

十地巖宮禮竺皇旃檀樓閣半天香祇園樹老
梵聲小雪嶺花香燈影長霄漢落泉供月界蓬
壺靈鳥侍雲房何年七七空人降金錫珠壇滿
上方

豫章江樓望西山有懷

水護星壇列太虛煙霓十八上仙一作真居時人未識
遼東崔吾祖曾傳寶鼎書終日章注催白鬚何
年丹竈見紅蕖桃花谷口春深淺欲訪先生赤
鯉魚

經徐穉墓

郊廓妖興炎漢衰先生南國卧明夷鳳凰屢降
玄纁禮瓊石終藏烈火詩禁掖衣冠加宋鵲湖
山耕釣没堯師千年隴樹何人哭寂莫蒼苔內
史碑

登寶曆寺閣

金碧高層世界空凭闌長嘯八蠻風橫軒水壯
蛟龍府倚棟星開牛斗宮三楚故墟殘景北六
朝荒苑斷山東不堪懷古勞悲笑安得鵬搏顛
氣中

冬夜旅泊廬陵

螺亭倚棹哭飄蓬白浪欺船自向東楚國蕙蘭
增悵望番禺筐篚旅虛空江城雪落千家夢汀
渚冰生一夕風棄置侯鯖任羈束不勞龜瓦問
窮通

贈江南李偕副使

世祿三朝壓鳳池杜陵公子漢庭知雷封始賀
棠溪劍花府尋邀玉樹枝幾日坐談誅叛逆列
城歸美見歌詩從軍莫厭干場醉即是金鑾寵
命時

賀容府韋中丞大府賢兄新除黔南經

略

蓬瀛簪笏舊聯行紫極差池降寵章列國山河
分鴈字一門金玉盡龍驤耿家符節朝中美袁
氏芝蘭閩外香烽戍悠悠限巴越佇聽歌咏兩
甘棠

投贈福建路羅中丞

越艷新謠不厭聽樓船高卧靜南溟未聞建水
窺龍劍應喜家山接女星三捷楷模光典策一
生封爵笑丹青皇恩幾日西歸去玉樹扶疎正
滿庭

贈容南韋中丞

普寧都護軍威重九譯梯航壓要津十二銅魚
尊畫戟三千犀甲擁朱輪風雲已靜西山寇閭
井全移上國春不獨來蘇發歌咏天涯半是泣
珠人

贈漳州張貽使君

貽英華作怡

舊德徐方天下聞當年熊軾繼清芬井田異政
光蠻竹符節深恩隔瘴雲已見嘉祥生北戶嘗
嫌夷貊蠹南薰幾時徵拜征西越學著縵胡從
使君

和容南韋中丞題瑞亭白燕白鼠六眸

龜嘉蓮

伏波恩信動南夷交趾喧傳四瑞詩燕鼠孕靈
褒上德龜蓮增耀荅無私迴翔雪侶窺檐處照
映紅巢出水時盡寫流傳在軒檻嘉祥從此百
年知

送江西周尚書赴滑臺

楚謠襦袴整三千喉舌新恩下九天
分節鉞蛟龍舊國罷樓船崑河已在兵鈴內棠
樹空留雀嶺前多病無因酬一顧鄢陵千騎去

翩翩

閑居寄太學盧璟博士

無路青冥奪錦袍恥隨黃雀住蓬蒿碧雲夢後
山風起珠樹詩成海月高久滯鼎書求羽翼未
忘龍闕致波濤閑來長得留侯癖羅列櫺梨校

六韜

一作禡漢老史無人用
閑列查梨校六韜

贈江南從事張侍郎

郎英華作御

平南門館鳳凰毛二十華軒立最高幾處談天
致雲雨早時文海得鯨鰲姻聯紫府蕭窻貴職
稱青錢繡服豪江徼無虞才不展銜杯終日咏

離騷

鍾陵道中作

原隰經霜蕙草黃塞鴻消息怨流芳秋山落照
見麋鹿南國異花開雪霜煙火近通槃瓠俗水
雲深入武陵鄉曾逢鬻缺話東海長憶蕭家青
玉牀

旅泊塗江

煙雨南江一葉微松潭漁父夜相依斷沙鴈起
金精出孤嶺猿愁木客歸楚國柑橙勞夢想丹
陵霞雀間音徽無因得似蒼溟叟始憶離巢已

倦飛

贈温州韓使君

康樂風流五百年永嘉鈴閣又登賢嚴城鼓動
魚驚海華屋尊開月下天內史筆鋒光案牘駟
陵詩句滿山川今來誰似韓家貴越絕麾幢鴈
影連

寄兵部任畹郎中

常思劍浦越清塵荳蔻花紅十二春崑玉已成
廊廟器澗松猶是薜蘿身雖同橘柚依南土終
愧魁罡近北辰好向昌時薦遺逸莫教千古弔

靈均

上建溪

崆峒一派瀉蒼煙長揖丹丘逐水仙雲樹杳冥
通上界峯巒迴合下閩川侵星愁過蛟龍國採
碧時逢婺女船已判猿催鬢先白幾重灘瀨在
秋天

閩中送任畹端公還京

燕臺下榻玉爲人月桂曾輸次第春幾日酬恩
坐炎瘴九秋高駕拂星辰漢廷鳳進鵷行喜隋
國珠還水府貧多少嘉謀奏風俗斗牛孤劍在

平津

謫仙吟贈趙道士

汗漫東遊黃雀雛縉雲仙子住清都三元麟鳳
推高座六甲風雷閔小壺日月暗資靈壽藥仙
河擬作化生符若爲失意居蓬島鼇足塵飛桑
樹枯

續古二十八首

曾夢諸侯笑康囚議脫枷干根池底藕一朶火
中花

大堯登寶位麟鳳煥宸居海曲沾恩澤還生比

目魚

生值揖遜曆長歌東南春釣鼇年三十未見天子巡

軒轅承化日羣鳳戲池臺大樸衰喪後仲尼生不來

大道歸孟門蕭蘭日爭長想得巢居時碧江應無浪

矻矻蓬舍下慕君麒麟閣笑殺王子喬寥天乘白雀

杳杳巫峽雲悠悠漢江水愁殺幾少年春風相

憶地

吳洲采芳客桂棹木蘭船日晚欲有寄徘徊春風前

仙家風景晏浮世年華速邂逅漢武時蟠桃海東熟

南國珊瑚樹好裁天馬鞭魚龍不解語海曲空嬋娟

周穆恣遊幸橫天驅八龍寧知泰山下日日望登封

秦國饒羅網中原絕麟鳳萬乘巡海回鮑魚空

相送

秦家無廟略遮虜續長城萬姓隴頭死中原荆
棘生

秦作東海橋中原鬼辛苦縱得跨蓬萊羣仙亦
飛去

隋煬棄中國龍舟巡海涯春風廣陵死不見秦
宮花

范子相句踐滅吳成大勳雖然五湖去終愧蟠
溪雲

麟鳳識翔螭聖賢明卷舒哀哉嵇叔夜智不及

鷄鷓

戰地三尺骨將軍一身貴自古若弔冤落花少
於淚

楚國千里旱土龍日已多九穀竟枯死好雲閑
差峩

漢家三殿色恩澤若飄風今日黃金屋明朝長
信宮

秦王卷衣貴本自倡家子金殿一承恩貂蟬滿
鄉里

魏宮薛家女秀色傾三殿武帝鼎湖歸一身似

南園杏花發北渚梅花落吳
女妬西施容華日消鑠
山雞理毛羽自言勝鳥為一朝
逐鷺鷥羞死南海邊

秋扇

嬋娟越機裏織得雙棲鳳慰此殊世花金梭忽
停弄

學古三十載猶依白雲居每覽班超傳令人慵
讀書

雄劍久濩落夜吟秋風起不是嬾爲龍此非延
平水

朝爲楊柳色暮作芙蓉好春風若有情江山相
逐老

景龍臨太極五鳳當庭舞誰信壁間梭升天作

雲雨

有所思

一作長相思

欲唱玄雲曲知音復誰是採掇情未來臨池畫
春水

永嘉贈別

芳草溫陽客歸心浙水西臨風青桂楫幾日白
蘋溪

閩川夢歸

千里潺湲建溪路夢覓一夕西歸去龍船欲上
巴獸灘越王金雞報天曙

竹十一首

不厭東溪碧玉君
天壇雙鳳有時聞
一峯曉似朝仙處
青節森森寄絳雲

萬枝朝露學瀟湘
杳靄孤亭白石涼
誰道乖龍不得雨
春雷入地馬鞭狂

嘯入新篁一里行
萬竿如甕鎖龍泓
驚巢翡翠無尋處
閑倚雲根刻姓名

青嵐箒亞思吾祖
綠潤偏多憶蔡邕
長聽南園風雨夜
恐生鱗甲盡為龍

迸玉閑抽上釣磯
翠苗畚次脫霞衣
山童泥乞

青驄馬騎過春泉
掣手手飛

獨題內史琅玕塢
幾醉山陽瑟瑟村
剩養萬莖將埽俗
莫教凡鳥鬧雲門

一溪雲母閒靈花
似到封侯逸士家
誰識雌雄九成律
子喬丹井在深涯

燕燕雛時紫米香
野溪羞色過東牆
諸兒莫拗成蹊笋
從結高籠養鳳凰

一節呼龍萬里秋
數莖垂海六鼇愁
更須瀑布峯前種
雲裏闌干過子猷

丘壑誰堪話碧鮮
靜尋春譜認嬋娟
會當小殺

青瑤簡畧寫龜魚把上天

玄圃千春閉玉叢
湛陽一祖碧雲空
不須騷屑愁江島
今日南枝在國風

泉州刺桐花咏五首兼呈趙使君

海曲春深滿郡霞
越人多種刺桐花
可憐虎竹西樓色
錦帳三千阿母家

石氏金園無此艷
南都舊賦乏靈材
只因赤帝宮中樹
丹鳳新銜出世來

猗猗小艷夾通衢
晴日薰風笑越姝
只是紅芳移不得
刺桐屏障滿中都

不勝攀折悵年華
紅樹南看見海涯
故國春風歸去盡
何人堪寄一枝花

赤帝嘗聞海上遊
三千幢蓋擁炎州
今來樹似離宮色
紅翠斜欹十二樓

賦得古蓮塘

闔閭宮娃能采蓮
明珠作佩龍為船
三千巧笑不復見
江頭廢苑花年年

春日行

鷓鴣初鳴洲渚滿
龍蛇洗鱗春水煖
病多欲問山寺僧
湖上人傳石橋斷

粵第三株^植出世間
風光滿地赤城開
無因秉燭看奇樹
長伴劉公醉玉山

春歸去

九十春光在何處古人今人留不住年年白眼
向黔婁唯取蟻螬飛上樹

水調詞十首

點虜迢迢未肯和五陵年少種橫戈誰家不結
空閨恨玉筯闌干妾最多

羽管慵調怨別離西園新月伴愁眉容華不分
隨年去獨有妝樓明鏡知

憶餞良人玉塞行梨花三見換啼鶯邊場豈得
勝閨閣莫逞瑀弓過一生

惆悵江南早鴈飛年年辛苦寄寒衣征人豈不
思鄉國只是皇家未放歸

水閣蓮開燕引雛朝朝攀折望金吾誰道磧西
春不到花時還憶故園無

自從清野戍遼東舞袖香銷羅幌空幾度長安
發梅柳節旄零落不成功

長夜孤眠倦錦衾秦樓雙月苦邊心征衣一倍
裝綿厚猶慮交河雪凍深

瀚海長征苦別離華山歸馬是何時仍聞萬乘
尊猶屈裝束干嬌嫁郢支

沙塞依稀落日邊
寒宵魂夢怯山川
離居漸覺笙歌嬾
君逐嫖姚已十年

萬里輪臺音信稀
傳聞移帳護金微
會須麟閣留蹤跡
不斬天驕莫議歸

投贈福建桂常侍

後來台席更何人都
護朝天拜近臣
長笑當時漢卿士
等閑恩澤畫麒麟
匝地歌鍾鎮海隅
城池鞅掌舊名都
不知珠履三千外
更許侯嬴寄食無

宿天竺寺

一宵何期此靈境
五粒松香金地冷
西僧示我高隱心
月在中峯葛洪井

吳興秋思二首

不是苕溪厭看月
天涯有程雲樹涼
何意汀洲剽風雨
白蘋今日似瀟湘
日夕鯢魚夢南國
苕陽水高迷渡頭
秋風憶歸故山去
白雲又被王孫留

吳苑思

今人地藏古人骨
古人花爲今人發
江南何處葬西施
謝豹空聞采香月

一作秋風憶歸
故山去

江上逢故人

十年蓬轉金陵道長笑青雲身不早故里相逢
盡白頭清江顏色何曾老

雙桂咏

青冥結根易傾倒沃州山中雙樹好琉璃宮殿
無斧聲石上蕭蕭伴僧老

酬元亨上人

一衲淨居雲夢合秋來詩思祝融高何因知我
津涯闊遠寄東溟六巨鼇

鍾陵秋夜

洪崖嶺上秋月明野客枕底章江清蓬壺宮闕
不可夢一一入樓歸鴈聲

南昌道中

古道蝨綠蔓黃葛桓伊冢西春水闊村翁莫倚
橫浦罾一半魚蝦屬鶻獺

贈野老

何年種芝白雲裏人傳先生老萊子消磨世上
名利心澹若巖間一流水

送謝山人歸江夏

黃雀春風二千里山人佳期碧江水攜琴一醉

楊柳隄日暮龍沙白雲起

荅妓蓮花

近來詩思清如丹行作老去行作必情薄似雲已向昇天
得門戶錦衾深媿卓文君

古意

麻姑井邊一株杏花開不如古時紅西鄰蔡家
十歲女年年二月賣東風

夏日有懷

天台一作夏日

竹齋睡餘柘漿清麟鳳誘我勞此生忽憶天台
掩書坐澗雲起盡紅崢嶸

臨風歎

芙蓉樓下飲君酒驪駒結言春楊柳豫章花落
不見歸一望東風堪白首

蜀葵咏

綠衣宛地紅倡倡薰風似舞諸女郎南鄰蕩子
婦亡賴錦機春夜成文章

閑居雜興五首

一顧成周力有餘白雲閑釣五溪魚中原莫道
無麟鳳自有皇家結網踈
虞韶九奏音猶在只是巴童自棄遺閑卧清秋

憶師曠好風搖動古松枝
長愛真人王子喬五松三月伴吹簫從他浮世
悲生死獨駕蒼麟入九霄
越里娃童錦作襦艷歌聲壓郢中姝無人說向
張京兆一曲江南十斛珠
雲堆西望賊連營分閫何年舉義兵莫道羔裘
無壯節古來成事盡書生

子規思

春山杜鵑來幾日夜啼南家復北家野人聽此
坐惆悵恐畏踏落東園花

朝元引四首

帝燭燦煌下九天蓬萊宮曉玉爐煙無窮鸞鳳
隨金母來賀薰風一萬年

玉殿雲開露冕流下方珠翠壓鰲頭天雞唱罷
南山曙春色先歸十二樓

萬寓靈祥擁帝居東華元老薦屠蘇龍蛇遙望
非煙拜五色瞳矐在玉壺

寶祚河宮一向清龜魚天篆又分明近臣誰獻
登封草五岳齊呼萬歲聲

隴西行四首

誓掃匈奴不顧身五千貂錦喪胡塵可憐無定
河邊骨猶是春閨夢裏人

漢主東封報太平無人金闕議邊兵縱饒奪得
林胡塞磧地桑麻種不生

隴戍三看塞草青樓煩新替護羌兵同來死者
傷離別一夜孤魂哭舊營

黠虜生擒未有涯黑山營陣識龍蛇自從貴主
和親後一半胡風似漢家

鏡道中吹簫

金欄白的苦筳筥雙鳳夜伴江南樓十洲人聽

玉樓曉空向千山桃杏枝

題徐穉亭

伏龍山橫洲渚地人如白蘋自生死洪崖成道
二千年惟有徐君播青史

飛龍吟

見文苑英華

有熊之君好神仙餐霞鍊石三千年一旦黃龍
下九天騎龍枿枿昇紫煙萬姓攀髯墮地啼
呼弓劍飄寒水紫鸞八九墮玉笙金鏡空留照
魑魅羽幢襪褫銀漢秋六宮望斷芙蓉愁應龍
下揮中園笑泓泓水遶青苔洲瑞風颯還天光

淺瑤闕峩峩橫露苑沆瀣樓頭紫鳳歌三株樹
下青牛飯鴻臚九闕相玉皇鈞天樂引金華郎
散花童子鶴衣短投壺姹女蛾眉長彤庭侍宴
瑤池席老兔春高桂宮白蓬萊下國賜分珪阿
母金桃容小摘仙流萬緘蟲篆春三十六洞交
風雲千年小兆一蟬蛻丹臺職亞扶桑君金烏
試浴青門水下界蜉蝣幾回死

校李氏鈔本增詩九首其後古二首泉州刺桐花一首即補遺本
題上方胡毋人行六首別紙錄之今日校唐集三首獨此改訂為多
園林雪霽日射硯池研朱記此為忻愉無已之外冬月落沅林
今日為十二月朔下筆時竟誤書朔此更正

陳嵩伯詩集

陳陶詩補遺

胡無人行

十萬羽林兒臨洮破邛支殺添胡地骨降足漢
營旗塞闊牛羊散兵休帳幕移空移隴頭水鳴
咽向人悲

劍池

秦帝南巡厭火精蒼黃埋劍故豐城霸圖繚戾
金龍蟄坤道扶搖紫氣生星斗臥來閉窟穴雌
雄飛去變澄泓永懷惆悵中宵作不見春雷發
匣聲

淺瑤闕峩峩橫露苑沆瀣樓頭紫鳳歌三株樹
下青牛飯鴻臚九闕相玉皇鈞天樂引金華郎
散花童子鶴衣短投壺姹女蛾眉長彤庭侍宴
瑤池席老兔春高桂宮白蓬萊下國賜分珪阿
母金桃容小摘仙流萬緘蟲篆春三十六洞交
風雲千年小兆一蟬蛻丹臺職亞扶桑君金烏
試浴青門水下界蜉蝣幾回死

校李氏鈔本增詩九首其後古二首泉州刺桐花一首即補寫於本
題上方胡無人行六首以別紙錄之今日校唐集三首獨此改訂為多
園林雪霽日射硯池研朱記此為忻愉無已已外冬月卷元注
今日為十二月朔下筆時竟誤書湖山更正

陳嵩伯詩集

陳陶詩補遺

胡無人行

十萬羽林兒臨洮破郅支殺添胡地骨降足漢
營旗塞闊牛羊散兵休帳幕移空移隴頭水鳴
咽向人悲

劒池

秦帝南巡厭火精蒼黃埋劒故豐城霸圖繚戾
金龍蟄坤道扶搖紫氣生星斗臥來閑窟穴雌
雄飛去變澄泓永懷惆悵中宵作不見春雷發
匣聲

洛城見賀自真飛昇一作登仙

子晉鸞飛古洛川金桃再熟賀郎仙三清樂奏
嵩邱下五色雲屯御苑前未頂舞低一作翻迎絳
節青鬟歌對駐香輶誰能白晝相悲泣太極光
陰億萬年

夜別溫商梓州

鳳凰城裏花時別玄武江邊月下逢客舍莫辭
先買酒相門曾添舊登龍迎風騷屑千家竹隔
水悠揚午夜鐘明日又行西蜀去不堪天際遠
山重

鄴陽秋夕以下二首
本集不載

憶昔鄴陽旅遊日曾聽南家爭擣衣今夜重聞
舊砧杵當時還見鴈南飛

飛龍引

長洲茂苑朝夕池映日含風結細漪坐當伏檻
紅蓮披雕軒洞戶青蘋吹輕幌芳煙鬱金馥綺
簷花葦桃李枝蘭苔翡翠但相逐桂樹鴛鴦恒
並宿

李昌符詩集

書邊事

一作邊行書事
一作塞上行

朔野煙塵起天軍又舉戈陰風向晚急殺氣入
秋多樹盡禽棲草冰堅路在河汾陽無繼者一作羌
虜肯先和

遠歸別墅

一作秋晚歸故居

馬省曾行處連嘶渡晚河忽驚鄉樹出漸識路
人多細徑穿禾黍頽垣壓薜蘿乍歸猶似客鄰
叟亦相過

題友人屋

一作莽蒼蘆關北孤城
帳幕多容軍甘入陣老
將望回戈

松底詩人宅閑門遠岫孤數家分小徑一水截
平蕪竹節偶相對鳥名多自呼愛君真靜者欲
去又踟躕

贈同遊

此來風雨後已覺減年華若待皆無事應難更
有花管絃臨夜急榆柳向江斜且莫看歸路同
須醉酒家

送人出塞

北風吹雨雪舉目已悽悽戰鬼秋頻哭征鴻夜
不棲沙平關路直磧廣郡樓低此去非東魯人

多事鼓鼙

尋僧元皎因贈

此生迷有著因病得尋師話盡山中事歸當月
上時高松連寺影亞竹入窻枝閑憶草堂路相
逢非素期

下第後蒙侍郎示意指於新先輩宣恩

感謝

才薄命如此自嗟兼自疑遭逢好文日黜落至
公時倚玉甘無路穿楊却未期更慙君侍坐問
許可言詩

夜泊渭津

漂漂東去客一宿渭城邊
遠處星垂岸中流月滿船
涼歸夜深簟秋入雨餘天
漸覺家山小殘程尚幾年

晚夏逢友人

一別同袍友相思已十年
長安多在客久病忽聞蟬
驟雨纔霑地陰雲不徧天
微涼堪話舊移榻晚風前

秋中夜坐

空庭吟坐久爽氣入荷衣
病葉先秋落驚禽背

月飛瘴雲晴未散戍客老將依
爲應金門策多應說戰機

旅遊傷春

酒醒鄉關遠迢迢聽漏終曙分
林影外春盡雨聲中鳥思江村路
花殘野岸風十年成底事羸馬倦西東

得遠書

故人居謫宦今日一書來良久
驚兼喜殷勤卷更開瘴雲沉去鴈
江南促新梅滿紙殊鄉淚非冤不可哀

贈同席

四座列吾友滿園花照衣一生知幾度後到擬
先歸急管侵諸樂嚴城送落暉當歡莫離席離
席却歡稀

贈供奉僧玄觀

自得曹溪法諸經更不看已降禪侶久兼作帝
師難夜木侵簷黑秋燈照雨寒如何嫌有著一
念在林巒

送琴客

楚客抱離思蜀琴留恨聲坐來新月上聽久覺

秋生夜靜騷人語天高別鶴鳴因君興一歎竟
夕意難平

別謫者

此地聞猶惡人言是所之一家書絕久孤驛夢
成遲八月三湘道聞猿冒雨時不須祠楚相臣
節轉堪疑

行思

千里豈云去欲歸如路窮人間無暇日馬上又
秋風破月銜高岳流星拂曉空此時皆在夢行
色獨匆匆

感懷題從舅宅

邴家庭樹下幾度醉春風今日花還發當時事
不同流言應未息直道竟難通徒遣相思者悲
歌向暮空

與友人會

蟬吟槐葢落的的是愁端病覺離家遠貧知處
事難真文無所隱深語有餘歡未必聞歌吹羈
心得暫寬

贈春遊侶

密林多暗香輕吹遠餘芳啼鳥愁春盡遊人喜

日長浮雲橫暮色新雨洗韶光欲散垂
恨應須入醉鄉

送人遊邊

愁指蕭關外風沙入遠程馬行初有跡雨落竟
無聲地理全歸漢天威不在兵西京逢故老暗
喜復時平

寄棲白上人

翦髮兼成隱將心更屬文無慘對豪客不拜謁
吾君畫壁唯泉石經窻半典墳歸林幽鳥狎乞
食病僧分默坐終清夜凝思念碧雲相逢應未

李詩補註
五
卜予正走囂氛

送人入新羅使

雞林君欲去立冊付星軺越海程難計征帆影
自飄望鄉當落日懷闕羨迴潮宿霧蒙青嶂驚
波蕩碧霄春生陽氣早天接祖州遙愁約三年
外相迎上石橋

詠鐵馬鞭

并引

鐵馬鞭長慶二年義成軍節度使曹華進獻且
曰得之汴水有字刻云貞觀四年尉遲敬德字
尚在

漢將臨流得鐵鞭鄂侯名字舊雕鏤須爲聖代
無雙物肯逐將軍卧九泉汗馬不侵誅虜血神
功今見補亡篇時來終薦明君用莫歎沉埋二
百年

舉世誰能與事期解攜多是正歡時人間不遣
有名利陌上始應無別離晚渡待船秋立久亂
山投店獨行遲我今漂泊還如此江劍相逢亦
未知

南潭

匝岸青蕪掩古苔
回山亭榭枕潭開
有時絃管收筵促
無數鳧鷖逆浪來
路入龍祠羣木老
風驚漁艇一聲迴
人傳郭惲多遊此
誰見當初泛玉盃

秋夜作

數畝池塘近杜陵
秋天寂寞夜雲凝
芙蓉葉上三更雨
蟋蟀聲中一點燈
跡避險巇翻失路
心歸閑澹不因僧
既逢上國陳詩日
長守林泉亦未能

客恨

古原南北舊蕭疎
高木風多小雪餘
半夜病吟人寢後
百年閑事酒醒初
頻招兄弟同佳節
已有兵戈隔遠書
肥馬王孫定相笑
不知岐路厭樵漁

三月盡日

江頭從此管絃稀
散盡遊人獨未歸
落日已將春色去
殘花應逐夜風飛

綠珠詠

洛陽佳麗與芳華
金谷園中見百花
誰遣當年墜樓死
無人巧笑破孫家

登臨北望蕭關
漸覺風沙暗蕭關
兒童能探火婦女解
少時魚鱉林多帶箭
未及馬也不散苦吟詩

贈別

又將書劍出孤舟
盡日停橈結遠愁
莫向江波話離別
江波一去不迴流

悶書

病來難處早秋天
一徑無人樹有蟬
歸計未成書半卷
中宵多夢晝多眠

傷春

即是春風盡
仍霑夜雨歸
明朝更來此
兼恐落花稀

李昌符詩集

已卯冬月九日大雪校李鈔本
注指直加推腕僅似鉄
幸卷中改三兩多轉
忘冥凍之苦
沈舟

張喬詩集卷第一

宴邊將

一曲梁州金石清
邊風蕭颯動江城
座中有老沙場客
橫笛休吹塞上聲

郢州即事

孤城臨遠水
十里見寒山
白雪無人唱
滄洲盡日閑
鳥歸殘燒外
帆出斷雲間
此地秋風起
應隨計吏還

送賓貢金夷吾奉使歸本國

渡海登仙籍
還家備漢儀
孤舟無岸泊
萬里有

星隨積水浮魂夢流年半別離東風未迴日音
信杳難期一作知

華山

誰將倚天劍削出倚天峰衆水背流急他山相
向重樹黏青靄合岷夾白雲濃一夜盆傾雨前
湫起毒龍

滕王閣

一本下有
高望二字

一作劇末人世殊

昔人登覽處遺閣大江隅疊浪有時有閑雲無
日無早涼先燕去返照後帆孤未得營歸計菱
歌滿舊湖

寄處士梁燭

賢哉君子風諷與古人同採藥楚雲裏移家湘
水東星霜秋野濶雨雹夜山空早晚相招隱深
耕老此中

送許棠下第遊蜀

天下猿多處西南是蜀關馬登青壁瘦人宿翠
微閑帶雨逢殘日一作火因江見斷山行歌風月好
莫老錦城閒

題終南白鶴觀

上徹鍊丹峰求玄意未窮古壇秋草合往事白

張喬集一
雲空仙境日月外帝鄉煙霧中人間足煩暑欲
去戀松風

贈邊將

將軍誇膽氣功在殺人多對酒擎鐘飲臨風拔
劍歌翻師平碎葉掠地取文河應笑孔門客年
年羨四科

弔建州李貞外

銘旌歸故里猿鳥亦悽然已葬桐江月空迴建
水船客傳爲郡政僧說讀書年恐有吟魂在深
山古木邊

送許崇及第歸宣州

雅調一生吟誰爲晚達心傍人賀及第獨自却
霑襟宴別喧天樂家歸礙日岑青門許攀送故
里接雲林

送龐百篇之任青陽縣尉

都堂公試日詞翰獨超羣品秩台庭與篇章聖
主聞鄉連三楚樹縣對九華雲多少青門客臨
岐共羨君

曲江春

尋春與送春多繞曲江濱一片鳧鷖水千秋輦

穀塵岸涼隨衆木波影逐遊人自是遊人老年
年管吹新

秦原春望

無窮名利塵軒蓋逐年新北闕東堂路千山萬
水人雲離僧榻曙燕遠鳳樓春荏苒文明代難
歸釣艇身

遊華山雲際寺

一作遊少華山甘露寺

少華中峰寺高秋衆景歸地連秦塞起河隔晉
山微晚木蟬相應涼天鴈並飛殷勤記巖石祇
恐清來稀

送綦待詔朴球歸新羅

海東誰敵手歸去道應孤闕下傳新勢船中覆
舊圖窮荒迴日月積水載寰區故國多年別桑
田復在無

送鄭谷先輩赴汝州辟命

看花興未休已散曲江遊載筆離秦甸從軍過
洛州嵩雲將雨去汝水背城流應念依門客蒿
萊滿徑一作秋

贈敬亭清越上人

海上獨隨緣歸來二十年久閑時得句漸老不

離禪砌木欹臨水窻峰直倚天猶期向雲裏別
掃石牀眠

題靈山寺

樹涼清鳥寺虛閣敞禪扉四面閑雲入中流獨
鳥歸湖平幽徑近船泊夜燈一作香微一宿秋風裏
煙波隔擣衣

弔棲白上人

今古遞相送幾時無逝波篇章名不朽寂滅理
如何內殿留真影閑房落貝多從茲高塔寺惆
悵懶經過

北山書事

黃河一曲山天半鎖重關聖日雄藩靜秋風老
將閑車輿穿谷口市井響雲間大野無飛鳥元
戎校獵還

長安書事

出送鄉人盡滄洲未得還秋風五陵樹晴日六
街山有景終年住無機是處閑何當向雲外免
老別離間

送鄭侍御赴汴州辟命

官從諫署清暫去佐戎旌朝客多相戀吟僧欲

伴行河水天際白嶽雪眼前明即見東風起梁
園聽早鶯

弔造微上人

至人隨化往遺路自堪傷白塔收真骨青山閉
影堂鐘殘含細韻煙一作印滅有餘香松上齋鳥在
遲遲立夕陽

經隱巖舊居

一作懷舊遊

夜久村落靜徘徊楊柳津青山猶有路明月已
無人夢寐空前事星霜倦此身嘗期結茅處來
往斷遺塵

劉補闕自九華山拜官因以寄獻

冥鴻久不羣徵拜動天文地主迎過郡山僧送
出雲登車殘月在宿館亂流分若更思林下還
須共致君

岳陽即事

遠色岳陽樓湘帆數片愁竹風山上路沙月水
中洲力學桑田廢思歸鬢髮秋功名如不立豈
易狎汀鷗

題興善寺僧道深院

江峰峰頂人受法老西秦法本無前業禪非爲

後身院栽他國樹堂展祖師真甚願依宗旨求
閑未有因

送龍門令劉滄

去宰龍門縣應思變化年還將魯儒政又與晉
人傳峭壁開中古長河落半天幾鄉因勸勉耕
稼滿雲煙

送友人往江南

一作江南

落花兼柳絮無處不紛紛遠道空歸去流鶯獨
自聞野橋喧磴水山郭入樓雲故里南陝曲秋
期更送君

再題敬亭清越上人山房

重來訪惠休已是十年遊向水千松老空山一
磬秋石窻清吹入河漢夜光流久別多新作長
吟洗俗愁

浮汴東歸

日暖泗濱西無窮岸草齊薄煙衰草樹微月迴
城雞水近滄浪急山隨綠野低羞將舊名姓還
向舊遊題

雨中宿僧院

千燈有宿因長老許相親夜永樓臺雨更深江

海人勞生無了日妄念起微塵不是真如理何
門靜此身

江行至沙浦

煙霞接杳冥旅泊寄迴汀夜雨雷電歇春江蛟
蜃腥城侵潮影白嶠載鳥行青徧欲探泉石南
須過洞庭

送友人歸江南

辛勤同失意迢遞獨還家落日江邊笛殘春鳥
上花親安誠可喜道在亦何嗟誰伴高吟處晴
天望九華

書邊事

調角斷清秋征人倚戍樓春風對青冢白日落
梁州大漠無兵阻窮邊有客遊蕃情似此水長
願向南流

送僧雅覺歸東海

一作海東

山川心地內一念即千重老別關中寺禪一作秋歸
海外峰鳥行來有路帆影去無蹤幾夜波濤息
先聞本國鐘

和薛監察題興善寺古松

種種近王城前朝古寺名瘦根盤地遠香吹入

張翥集一
雲清鶴動池臺影，僧禪雨雪聲。看來人旋老，因
此歎浮生。

聽琴

清月轉瑤軫，弄中湘水寒。能令坐來客，不語自
相看。靜恐鬼神出，急疑風雨殘。幾時歸嶺嶠，更
過洞庭彈。

送友人遊蜀

此心知者稀，欲別倍相依。無食擬同去，有家還
未歸。巴山開國遠，劍道入天微。必恐臨邛客，疑
君學賦非。

聞仰山禪師往曹溪因贈

曹溪松下路，猿鳥重相親。四海求玄理，千峰繞
定身。異花天上墮，靈草雪中春。自惜經行處，焚
香禮舊真。

藍溪夜坐

藍水警塵夢，夜吟開草堂。月臨山靄薄，松滴露
花香。詩外真風遠，人間靜興長。明朝訪禪侶，更
上翠微房。

題鄭侍御藍田別業

秋山清若水，吟客靜於僧。小徑通商嶺，高窓見

杜陵雲霞朝入鏡
猿鳥夜窺燈
許作峰前侶
終來寄上層

送友人許崇

一本無進士二字

離鄉積歲年
歸路遠依然
夜火山頭市
春江樹杪船
于戈愁鬢改
瘴癘喜家全
何處營甘旨
朝濤浸薄田

秘省伴直

喬枝聚暝禽
疊閣鎖遙岑
待月當秋直
看書廢夜吟
殘薪留火細
古井下一作汲瓶深
縱欲抄前史
貧難遂此心

宿昭應

夜憶開元事
淒涼里巷間
薄煙通魏闕
明月照驪山
半壁空宮閉
連天白道閑
清晨更迴首
獨向灞陵還

張喬詩卷一

回
一
疑

千壑空宮閑
軒天白
龍閑
蕭景
受
陔
首
巖
三
下
事
婁
京
里
巷
間
蕪
軟
並
巖
闕
門
凡
照
寄
邵
勳

張喬詩集卷第二

書梅福殿壁二首

梅真從羽化
萬古是須臾
此地名空在
西山雲
亦孤井痕平
野水壇級上
春蕪縱有雙
飛鶴
年
多
松
已
枯

一
自
白
雲
去
千
秋
壇
月
明
我
來
思
往
事
誰
更
得
長
生
雅
韻
磬
鐘
遠
真
風
樓
殿
清
今
來
為
尉
者
天
下
有
仙
名

荆楚道中

前程曾未到
岐路擬何為
返照行人急
荒郊去

鳥遲春宵多旅夢夏閏遠秋期處處牽愁緒無窮是柳絲

送南陵尉李頻

重作東南尉生涯尚似僧客程淮館月鄉思海船燈晚霧看春穀晴天見朗陵不應三考足先授詔書徵

將歸江淮書

一作東歸有感

東風搖衆木即有看花期紫陌頻來日滄洲獨去時郡因兵役苦家爲海翻移未老多如此那堪鬢不哀

沿漢東歸

北去窮秦塞南歸繞漢川深山逢古跡遠道見新年絕壁雲銜寺空江雪灑船縈迴還此景多坐夜燈前

送蜀客

劍閣緣空去西南轉一作西過第幾州丹青行客語明月杜鵑愁露帶山花落雲隨野水流相如曾醉地莫滯少年遊

塞上

一作塞下曲

勒兵遼水邊風急卷旌旃絕塞寒無樹平沙勢

盡天雲晴迴探騎月落控鳴絃永定山河誓南
歸改漢年一作下營看斗建傳号信狼
煙聖代垂青史當書破虜年

送友人歸袁州

袁江猿鳥清曾向此中行才子登科去諸侯掃
榻迎山藏明月浦樹繞白雲城遠想安親後秋
風夢不驚

贈別李山人

分一作未合老西秦年年夢白蘋曾為洞庭客還送
洞庭人語別惜殘夜思歸愁見春遙知泊舟處
沙月自相親一作滄浪濯纓
處應念滿衣塵

思宜春寄友人

勝遊雖隔年魂夢亦依然瀑水喧秋思孤燈動
夜船斷虹全嶺雨斜月半溪煙舊日吟詩侶何
人更不眠

江行夜雨

江風木落天遊子感流年萬里波連蜀三更雨
到船夢殘燈影外愁積葦叢邊不及樵漁客全
家住島田一作不是貧負名
利家無負郭田

贈仰山大師

仰山因久住天下仰山名并邑身雖到林泉性

本清野一作嶺雲居處盡江月定中明一作時髮髯曾相識
今來隔幾生

江南逢洛下友人

洛下吟詩侶南遊只有君波濤歸路見蟋蟀在
船聞曉月江城出晴霞島樹分無窮懷古意豈
獨繞湘雲

東湖贈僧子蘭

一作題簡上人

名利了無時何人暫訪師道情閑外見心地語
來知竹落穿窻葉松寒蔭井枝匡山許同社願
卜掛帆期

隱巖陪鄭少師夜坐

幸喜陪騶馭頻來向此宵硯磨清澗石廚爨白
雲樵竹外村煙細燈中禁漏遙衣冠與文理靜
語對前朝

送前輩讀三傳在長城尉

一作送前輩讀三傳任長城尉

登科精魯史作尉及良時高論窮諸國長才併
幾司地傾流水疾山疊過雲遲暇日琴書畔何
人對手碁

送李道士歸南嶽

千峰隔湘水迢遞掛帆歸掃月眠蒼壁和雲著

褐衣洞虛懸溜滴徑狹長松圍只恐相尋日人
閒舊識稀

延福里秋懷

終年九陌行要路跡皆生苦學猶難至甘貧豈
有成病攜秋卷重閑著暑衣輕一別林泉久中
宵御冰聲

題玄哲禪師影堂

吾師視化身一念即遺塵巖谷藏虛塔江湖散
學人雲迷禪處石院掩寫來真寂寞焚香後閑
堦細草生

登慈恩寺塔

窻戶幾層風清涼碧落中世人來往別煙景古
今同列岫橫秦斷長河極塞空斜陽越鄉思天
末見歸鴻

送友人東歸

遠涉期秋巷將行不廢吟故鄉芳草路來往別
離心掛席春風盡開齋夏景深子規誰共聽江
月上清岑

送僧鸞歸蜀寧親

歌詩精外學天子是知音坐夏宮鐘近寧親劍

閣深高名徹西國舊跡寄東林自此棲禪者因
師滿蜀吟

送人歸江南

貧歸無定程水宿與山行未有安親計難爲去
國情島煙孤寺磬江月遠船箏思苦秋迴日多
應吟更清

將離江上作

白衣歸樹下青草戀江邊三楚足深隱五陵多
少年寂寥聞蜀魄清絕怨湘絃岐路在何處西
行心渺然

別李參軍

王孫遊不遇況我五湖人野店難投宿漁家獨
問津嶺分中夜月江隔兩鄉春靜想青雲路還
應寄此身

送睦州張參軍

重祿輕身日清資近故鄉因知送君後轉自惜
年芳遠水分林影層峰起鳥行扁舟此中去溪
月有餘光

贈碁僧侶

機謀時未有多向弈碁銷已與山僧敵無今海

客饒靜驅雲陣起疎點鴈行遙夜雨如相憶松
窻更見招

題湖上友人居

豈得戀樵漁全家湖畔居遠無朝客信閑寄嶽
僧書野白梅繁後山明雨散初逍遙向雲水莫
與宦情疎

送友人歸宣州

失計復離愁君歸我獨遊亂花藏道發春水繞
鄉流暝火叢橋市晴山疊郡樓無爲謝公戀吟
過曉蟬秋

題古觀

急景逝衰老此經誰養真松留千載鶴碑隔六
朝人洞水流花早壺天閉雪春其如爲名利歸
躡五陵塵

送友人及第歸江南

豈易及歸榮辛勤致此名登車思往事迴首勉
諸生路繞山光曉帆通海氣清秋期却閑坐林
下聽江聲

送朴充侍御歸海東

天涯離二紀闕下歷三朝漲海雖然濶歸帆不

覺遙驚波時失侶舉火夜相招來往尋道事秦
皇有斷橋

弔前水部賈貞外

籠中江海禽日夕有歸心魏闕長謠久吳山獨
往深別時羣木落終處亂猿吟李白墳前路溪
僧送入林

送友人北遊

東歸未遂心北去幾沉吟把酒思鄉遠投人入
塞深晉山擎白道汾水截青林想見連天雪安

知一作是積霖
長安

題小松

松子落何年纖枝長水邊斲開深澗雪移出遠
林煙帶月棲幽鳥兼花灌冷泉微風動清韻閑
聽罷琴眠

寄中岳顓頊先生

先生顓頊後得道自何人松栢早於壽兒孫老
却身夜窻峰頂曙寒澗洞中春戀此逍遙境雲
間不可親

送沈先輩尉昭應

餘才不廢詩佐邑喜閑司丹陛終須去青山未

張喬集三
八七
可期葉凋溫谷晚雲出古宮遲若草東封疏君
王到有時

送友人遊湖南

所投非舊知亦似有前期路向長江上帆揚細
雨時春生南嶽早日轉大荒遲盡採瀟湘句重
來會近暮

江上送友人南遊

何處積鄉愁天涯聚亂流岸長羣岫晚湖濶片
帆秋買酒過漁舍分燈與釣舟瀟湘見來鴈應
念獨邊遊

江南別友人

勞生故白頭頭白未應休闕下難孤立天涯尚
旅遊聽猿吟島寺待月上江樓醉別醒惆悵雲
帆滿亂流

商山道中

春去計秋期長安在夢思多逢山好處少值客
行時雲起爭峰勢花文隱澗枝停驂一惆悵應
祇嶺猿知

吳江旅次

行人愁落日去鳥倦遙林曠野鳴流水空山響

張喬集三
九
暮砧旅途歸計晚鄉樹別年深寂寞逢村酒漁
家一醉吟

寄南中友人

相夢如相見相思去後頻舊時行處斷華髮別
來新浪動三湘月煙藏五嶺春又無歸北客書
札寄何人

寄績溪陳明府

古邑猿聲裏空城只半存岸移無舊路沙漲別
成村鼓角喧京口江山盡汝濱六朝興廢地行
子一銷魂

張喬詩華州試月中桂

一本題上有
華州二字

與月轉洪濛扶疎萬古同根非生下土葉不墮
秋風每以圓時足還隨缺處空影高羣木外香
滿一輪中未種丹一作青霄日應虛玉一作白兔宮何當
因羽化細得問玄功并高頂起涼殿影動懸燈

張喬詩集卷第二

因非外畧野問文也

燕一舖中未盡丹青霄日飄盡王白象宮何當

然風或以圓報及豈謂始或空潔高華木木香

與月轉共紫井菴萬古同財非主下土葉不煎

華州荒月中卦

張喬詩集卷第三

興善寺貝多樹

還應毫末長始見拂丹青得子從西國成陰見
昔朝勢隨雙刹直寒出四牆遙帶月啼春鳥連
空噪暝蜩遠根穿古井高頂起涼飈影動懸燈
夜聲繁過雨朝靜遲松桂老堅任雪霜凋永共
終南在應隨劫火燒

華山

青蒼河一隅氣狀杳難圖卓傑三峰出高竒四
岳無力疑擎上界勢獨壓中區衆水東西走羣

山遠近趨天迴諸宿照地聳百靈扶石壁煙霞
麗龍潭雨電巖澄凝臨甸服險固束神都淺覺
川原異深應日月殊鶴歸青靄合仙去白雲孤
瀑溜斜飛凍松長倒掛枯每來尋洞穴不擬返
江湖儻有芝田種巖間老一夫一作寄野夫

送何道士歸山

身非絕粒本清羸束掛仙經杖一枝遠路獨尋
流水去深山長與白雲期樹臨丹竈寒花疾壇
近清風夜月遲樵客若能過洞裏迴歸人世始
應悲

一作隨水

城東寓居寄知己

花木閑門苔蘚生漣川特去得吟情病來久絕
洞庭信年長却思廬岳耕落日獨歸林下宿暮
雲多繞水邊行干時退出長如此頻愧相憂道
姓名

再書邊事

萬里沙西寇已平犬羊羣外築空城分營夜火
燒雲遠教獵秋鷗掠草輕秦將力隨胡馬竭蕃
河流入漢家清羌戎不識干戈老須賀曠時聖
主明

遊邊感懷二首

貧遊繚繞困邊沙，却被遼陽戰士嗟。不是無家歸不得，有家歸去似無家。

兄弟江南身塞北，鴈飛猶自半年餘。夜來因得思鄉夢，重讀前秋轉海書。

贈友人

一作贈友人

九霄無詔下何事，觸清塵宅帶松蘿。僻身唯猿鳥親吟看仙掌，月期有洞庭人莫問煙霞句。懸知見岳神。

蟬

先秋蟬一悲，長是客行時。曾感去年者，又鳴何處枝。細聽殘韻在，迴望舊聲遲。斷續誰家樹，涼風送別離。

江上逢進士許棠

詩人推上第，新榜又無君。鶴髮他鄉老，漁歌故國聞。平江留曉月，獨鳥伴餘雲。且了髫年志，沙鷗未可羣。

送河西從事

結束佐戎旃，河西任幾年。隴頭隨日去，磧裏寄星眠。水近沙連帳，程遙馬入天。聖朝思上策，重

待奏安邊

河湟舊卒

少年隨將討河湟頭白時清返故鄉十萬漢軍
零落盡獨吹邊曲向殘陽

促織

念爾無機自有情迎寒辛苦弄梭聲椒房金屋
何曾識偏向貧家壁下鳴

長安贈猿

一作長安贈猿

掛月棲雲向楚林取來全是爲清音誰知繫在
黃金索翻畏侯家不敢吟

寄薦福寺棲白大師

高塔六街無不見塔邊名出祇吾師嘗聞朝客
多相記得數句詩

越中贈別

東越相逢幾醉眠滿樓明月鏡湖邊別離吟斷
西陵渡楊柳秋風兩岸蟬

寄清越上人

一作寄山僧

大道本來無所染白雲那得有心期遠公獨刺
蓮花漏猶向空山禮六時

宿齊山僧舍

一宿經窻卧白波萬重歸夢隔煙蘿若言不得
南宗要長在禪牀事更多

春日遊曲江

日暖鴛鴦拍浪春蒹葭浦際聚青蘋若論來往
鄉心切須是煙波島上人

漁家

擁棹思悠悠更深泛積流唯將一星火何處宿

蘆洲

送人及第歸東

東風日邊起草木一時春自笑中華路年年送

遠人

題河中鸛雀樓

高樓懷古動悲歌鸛雀今無野燕過樹隔五陵
秋色早水連三晉夕陽多漁人遺火成寒燒牧
笛吹風起夜波千載重來值搖落天涯歸計欲
如何

宿洛都門

山川馬上度邊禽一宿都門永夜吟客路不歸
秋又晚西風吹動洛陽砧

對月二首

圓魄上寒空，皆言四海同。安知千里外，不有雨兼風。

盈缺青冥外，東風萬古吹。何人種丹桂，不長出輪枝。

贈友人

自說安貧歸未能，竹邊門掩小池冰。典琴賒酒吟過寺，送客思鄉上灞陵。待月夜留煙鳥客，憶雲閑訪翠微僧。幾時獻了相如賦，共向嵩山採茯苓。

張喬詩集卷第三

張喬詩集卷第四

笛

翦雨裁煙一節秋，落梅楊柳曲中愁。樽前暫借殷勤看，明日曾聞向隴頭。

漁者

首戴圓荷髮不梳，葉舟為宅水為居。沙頭聚看人如市，釣得澄江一丈魚。

宿潺湲亭

走月流煙疊樹西，聽來愁甚聽猿啼。幾時御水聲邊住，却夢潺湲宿此溪。

臺城

宮殿餘基長草花景陽宮樹噪村鴉雲屯雉堞
依然在空繞漁樵四五家

寄山僧

閑倚蒲團向日眠不能歸老岳雲邊舊時僧侶
無人在唯有長松見少年

題上元許棠所任王昌齡廳

瑤璃堂裏當時客久絕吟聲繼後塵百四十年
庭樹老如今重得見詩人

自誦

每到花時恨道窮一生光景半成空只應抱牒
非良玉豈得年年不至公

贈河南詩友

山東今族玉無塵裁翦煙花筆下春不把瑤華
借風月洛陽才子更何人

寄維揚故人

離別河邊縮柳條千山萬水玉人遙月明記得
相尋處城鎖東風十五橋

孤雲

舒卷因風何所之碧天孤影勢遲遲莫言長是

無心物還有隨龍作雨時

詠碁子贈弈僧

黑白誰能用入玄千回生死體方圓空門說得
恒沙劫應笑終年爲一先

谷口作

巴客青冥過嶺塵雪岷文映一川春晴朝採藥
尋源去必恐雲深見異人

寄弟

故里行人戰後疎青岷萍寄白雲居那堪又是
傷春日把得長安落第書

春日有懷

高下尋花春景遲汾陽臺榭白雲詩看山懷古
翻惆悵未勝遙傳不到時

鷺鷥障子

翦得機中如雪素畫爲江上帶絲禽閑來相對
茅堂下引出煙波萬里心

長門怨

御泉長繞鳳凰樓自是恩波別處流閑揲舞衣
歸未得夜來砧杵六宮秋

洪憲元年一月初五日校季鈔本訖補詩三十六首增潤

張喬詩集卷第四

茅堂不復出塵氛萬里心

舊時巖中吹雲素盡為云土帶絲會開來卧樵

尋源上巖巖軒下凡異人

瞻剛未期豈軒不怪却

高下尋芬春景豈念別臺樹白雲昔香山對古

春日有對

丹題敬亭清越上人山房

張喬詩補遺

再題敬亭清越上人山房

重來訪惠休已是十年遊向水千松老空山一
磬秋石牕清吹入河漢夜光流久別多新作長
吟洗俗愁

送陸處士

樽前放浩歌便起泛烟波舟楫故人少江湖明
月多孤峯經宿上僻寺共雲過若向仙巖住還
應著薜蘿

送韓處士歸少室山

江外歷千岑還歸少室吟地閑維嶺月窓迥洛
城砧石竇垂寒一作乳松枝長別琴他年瀑泉
下亦擬置家林

贈初上人

竹色覆禪棲幽禽遶院啼空門無去住行客自
東西井氣春來歇庭枝雪後低相看念山水盡
日話曹溪

送新羅僧

東來此學禪多病念佛緣把錫離巖寺收經上
海船落一作帆敲石火宿島汲瓶泉永向扶桑

老知無再少年

題山僧院

谿路曾來日年多與舊同地寒松影裏僧老磬
聲中遠水清風落閑雲別院通心源若無礙何
必更論空

遊歙州興唐寺

山橋通絕境到此憶天台竹裏尋幽徑雲邊上
古臺鳥歸殘照出鐘斷細泉來為愛澄溪月因
成隔宿迴

題詮律師院

院涼松雨聲相對有山情未許谿邊老猶一作還
思嶽頂行紗燈留火細石井灌瓶清欲問吾師
外何人得此生

金山寺空上人院

已老金山頂無心上石橋講移三楚遍梵譯五
天遙板閣禪秋月銅瓶汲夜潮自慙昏醉客來
坐亦通宵

題廣信寺

亭北敞靈溪林梢與檻齊野雲來影遠沙鳥去
行低晚渡明村火晴山響郡聲思鄉值搖落賴

不有猿啼

甘露寺僧房

臨水登山路重尋旅思勞竹陰行處密僧臘別
來高遠岫明寒火危樓響夜濤悲秋不成寐明
月上千舫

宿江叟島居

一家煙島隈一作上竹裏夜窓開數派分潮去千
檣聚月來石樓雲斷續澗渚雁徘徊了得平生
志還歸築釣臺

江村

貧遊無定蹤鄉信轉難逢寒渚暮烟濶去帆歸
思重潮平低戍火木落遠山鐘況是漁家宿疎
籬響夜舂

贈進士顧雲

第二句缺二字
第六句缺一字

潮檻煙波別釣津西京同 荻 貧不知守道
歸何日相對無言盡幾春晴景遠山花外暮雲
邊高蓋水邊 與君愁寂無消處賒酒青門送
楚人

贈頭陀僧

自說年深別石橋遍遊靈跡熟南朝已知世路

皆虛幻不覺空門是寂寥滄海附船浮浪久碧
山尋塔上雲遙如今竹院歲衰老一點寒燈弟
子燒

尋陽村舍

荒林寄遠居坐臥見樵漁夜火隨船遠寒更出
郡疎雪迷登岳路風阻轉江書寂寞高窓下思
鄉歲欲除

江樓作

憑檻見天涯非秋亦可悲晚天帆去疾春雪燕
來遲山水分鄉縣干戈足別離南人廢耕織早

晚罷王師

回鸞閣寫望

古閣上空半寥寥千里心多年為客路盡日倚
闌吟山壓秦川重河來虜塞深回鑿今不見煙
霧杳沉沉

題宣州開元寺

誰家煙徑長莓苔金碧虛欄竹上開流水遠分
山色斷清猿時帶角聲來六朝明月唯詩在三
楚空山有雁迴達理始應盡惆悵僧閑應得話
天台此篇一本題作謝公亭懷古云謝家煙徑
長莓苔牢落虛簷竹上開流水不將山色

去開雲時帶竹聲來六朝舊跡遺詩在三楚空
江有雁回達理始應惆悵盡因僧清話憶天台
題友人草堂

空山下隱初生計亦無餘三畝水邊竹一牀琴
畔書深林收晚果絕頂拾秋蔬堅話長如此何
年獻子虛

七松亭

七松亭上望秦川高鳥閑雲滿目前已比子真
耕谷口豈同陶令臥江邊臨崖把卷驚迴燒掃
石留僧聽遠泉明月影中宮漏近珮聲應宿使
朝天

題友人林齋

喬木帶涼蟬來吟暑雨天不離高枕上似宿遠
山邊草冷窗中月茶香竹裏泉吾廬近溪島憶
別動經年

經宣城元員外山居

無人罷仙隱石室閉空山避燒猿猶到隨雲鶴
不還澗荒巖影在橋斷樹陰閑但有黃河賦長
留在世間

經九華山費徵君故居

草堂蕪沒後來往問樵翁斷石荒林外孤墳晚

照中數溪分大野九子立寒空煙壁曾行處青
雲路不通

題賈島吟詩臺

吟魂不復遊臺亦似荒邱一徑草中出長江天
外流暝煙寒鳥集殘月夜蟲愁願得生禾黍鋤
平恨即休

遊南岳

入巖仙境清行盡復重行若得閑無事長來寄
此生澗松閑易老籠燭晚生明一宿泉聲裏思
鄉夢不成

尋桃源

武林春草齊花影隔澄溪路遠無人去山空有
鳥啼水垂青靄斷松偃綠蘿低世上迷途客經
茲盡不迷

青鳥泉

祇此沈仙翼瑤池似不遙有聲懸翠壁無勢下
丹霄淨瀨煙霞古寒原草木凋山河幾更變幽
咽到唐朝

望巫山

溪疊雲深轉谷遲暝投孤店草蟲悲愁連遠水

波濤夜夢斷空山雨電時邊海故園荒後賣入
關玄髮夜來衰東歸未必勝羈旅况是東歸未
有期

省中偶作

三轉郎曹自勉旃莎階吟步想前賢一作如
何遜無佳句若比馮唐是壯年捧制名題黃紙
尾約僧心在白雲邊乳毛松雪春來好直夜清
閑且學禪

秋夕

春恨復秋悲秋悲難到時每逢明月夜長起故

山思卷僻行吟遠
蛩多獨臥遲
溪僧與樵客動
別十年期

山中冬夜

寒葉風搖盡
空林鳥宿稀
澗冰妨鹿飲
山雪阻僧歸
夜坐塵心定
長吟語力微
人間去多事
何處夢柴扉

宿劉溫書齋

不掩盈窗月
天然格調高
涼風移蟋蟀
落葉在離騷
迴筆挑燈燼
懸圖見海濤
因論三國志
空載幾英豪

歸舊山

昔年山下結茅茨
村落重來野徑移
樵客相逢悲往事
林生閑坐問歸期
異藤遍樹無空處
幽草綠溪少歇時
此景一拋吟欲老
可能文字聖朝知

潭上作

竹島殘陽煙翠微
雪翎禽過碧潭飛
人間未有關身事
每到漁家不欲歸

楊花落

北斗南回春物老
紅英落花綠尚早
韶風澹蕩

無所依偏惜垂楊作春好此時可憐楊柳花
盈豔曳滿人家人家女兒出羅幕淨掃玉除看
花落寶環纖手捧更飛翠羽輕裙承不著歷歷
瑤琴舞袖陳飛紅拂黛憐玉人東園桃李芳已
歇猶有楊花嬌暮春

九華樓晴望

一夜江潭風雨後九華晴望倚天秋重來此地
知何日欲別殷勤更上樓

終南山

帶雪復銜春橫天占半秦勢竒看不定景變寫

難真洞遠皆通岳川多更有神白雲幽絕處自
古屬樵人

哭陳陶

先生抱良疾不起茂陵間夕臨諸孤少荒居吊
客還遺文禪東岳留語葬鄉山多雨銘旌故殘
燈素帳閑樂章誰與集壠樹即堪攀神理今難
問予將叫帝閭

羅鄴詩集

歲仗

玉帛朝元萬國來，雞人曉唱五門開。
春排北極迎仙仗，一作日捧南山入壽盃。
歌舜薰風鏗劍珮，祝堯嘉氣靄樓臺。
可憐四海車書共，重見蕭曹佐漢材。

牡丹

落盡春紅始著花，花時比屋事豪華。
買栽池館恐無地，看到子孫能幾家。
門倚長衢攢繡轂，幄籠輕日護香霞。
歌鐘滿座爭歡賞，肯信流年鬢

有華

長城

當時無德御乾坤廣築徒勞萬古存漫役生民
防極塞不知血刃起中原珠璣旋見陪陵寢社
稷何曾保子孫降虜至今猶自說冤聲夜夜傍
城根

秋夕寄友人

秋夕蒼茫一鴈過西風白露滿宮莎昨來京洛
逢歸客猶說軒車未渡河莫把少年空倚賴須
知孤立易蹉跎想君懷抱哀吟夜銅雀臺邊皓

月多

冬夕江上言事五首

葉落纔悲草又生看看少壯是衰形關中秋雨
書難到江上春寒酒易醒多少繫心身未達尋
思舉目淚堪零幾時拋得歸山去松下看雲讀
道經

喔喔晨雞滿樹霜喧喧曉渡簇舟航數星昨夜
寒爐火一陣誰家臘甕香久別羈孤成潦倒迴
看書劍更蒼黃逢人舉止皆言命至竟謀閑可
勝忙

野堂吟罷獨行行
點水微微凍不鳴
十里溪山新雪後
千家襟袖曉寒生
只宜醉夢依華寢
可稱羸蹄赴宿程
日苦幾多言下見
那堪歲晏又無成

僻居多與懶相宜
吟擁寒爐過臘時
風柳欲生陽面葉
凍梅先綻嶺頭枝
山川自小拋耕釣
骨肉無因免別離
賴有陶情一樽酒
愁中相向展愁眉

一帶長溪綠浸門
數聲幽鳥啄雲根
松亭盡日唯空坐
難得儒翁共討論

春日宿崇賢里

柳暗花飛春日深
水邊門巷獨來尋
舊山共是經年別
新句相逢竟夕吟
枕近禁街聞曉鼓
月當高竹見棲禽
勞歌莫問秋風計
恐起江湖垂釣心

征人

青樓一別戍金微
力盡秋來破虜圍
錦字莫辭連夜織
塞鴻長是到春歸
正憐漢月當空照
不奈胡沙滿眼飛
唯有夢魂南去日
胡鄉山水路依稀

鶯

暖辭雲谷背殘陽飛下東風翅漸長却笑金籠
是羈絆豈知瑤草正芬芳曉逢溪雨投紅樹晚
轉宮樓泣舊粧何處離人不堪聽灞橋斜日曩
垂楊

槐花

行宮門外陌銅駝兩畔分栽此最多欲到清秋
近時節爭開金蕊向關河層樓寄恨飄珠箔駿
馬憐香撼玉珂愁殺江湖隨計者年年爲爾剩
奔波

自蜀入關

文戰連輸未息機束書攜劍定前非近來從聽
事難得休去且無山可歸匹馬出門還悵望孤
雲何處是因依斜陽驛路西風緊遙指人煙宿
翠微

上陽宮

春半上陽花滿樓太平天子昔巡遊千門雖對
嵩山在一笑還隨洛水流深鎖笙歌巢燕聽遙
瞻金碧路人愁翠華却自昇仙去腸斷宮娥望
不休

舊侯家

臺閣層層倚半空繞軒澄碧御溝通金鈿座上
歌春酒盡蠟樽前滴曉風歲月不知成隙地子
孫誰更繫殊功人間若筭無榮辱却是扁舟一
釣翁

宿武安山有懷

野店暮來山畔逢寒蕪漠漠露華濃窻間燈在
犬驚吠溪上月沉人罷春遠別只愁添雪鬢此
生何計隱雲峰離心却羨南飛翼獨過吳江更
數重

謁審祠

春生溪嶺雪初開下馬雲亭酌一盃好是精靈
偏有感能於鄉里不爲災九江賈客應遙祝五
夜神兵數此來盡室唯求多降福新年歸去便
風催

經故洛城有感

一本此下有
有感二字

一片危牆勢恐人牆邊日日走蹄輪築時驅盡
千夫力崩處空餘數里塵長歎往來經此地每
嗟興廢欲沾巾那堪又向荒城過錦雉驚飛麥
壠春

老將

百戰辛勤歸帝鄉
南班班裏最南行
弓欺猿臂秋無力
劍泣虬髯曉有霜
千古耻非書竹帛
一心猶自向河湟
年年宿衛天顏近
曾把功勳奏建章

曲江春望

故國東歸澤國遙
曲江晴望憶漁樵
都緣北闕春先到
不是南山雪易消
瑞景玉樓開組繡
歡聲丹禁奏雲韶
雖然未得陪鴛鴦
亦酌金觴祝帝堯

帝里

喧喧蹄轂走紅塵
南北東西暮與晨
漫道青雲難得路
何曾紫陌有閑人
盃傾竹葉侯門月
馬落桃花御水春
只合詠歌來大國
況逢文景化維新

新安城

若算防邊久遠名
新安豈更勝長城
漫興他役悲荒壘
何似從今實取兵
聖德便應同險固
人心自不向忠貞
但將死節酬堯禹
版築無勞寇已平

自遣

四十年來詩酒徒
一生緣興滯江湖
不愁世上無人識
唯怕村中沒酒沽
春巷摘桑喧姪女
江船吹笛舞蠻奴
焚魚酌醴醉堯代
吟向席門聊自娛

流水

漾漾悠悠幾派分
中浮短艇與鷗羣
天街帶雨淹芳草
玉洞漂花下白雲
淨稱一竿持處見
急宜孤館覺來聞
隋家柳畔偏堪恨
東入長淮日又曛

送張逸人

自說歸山人事賒
素琴丹竈是生涯
牀頭殘藥鼠偷盡
溪上破門風擺斜
石井晴垂青葛葉
竹籬荒映白茅花
遙知此去應稀出
獨卧晴窻夢曉霞

春晚渡河有懷

煙收綠野遠連空
戍壘依稀入望中
萬里山河星拱北
百年人事水歸東
扁舟晚濟桃花浪
走馬晴嘶柳絮風
鄉思正多羈思苦
不堪迴首問漁翁

春望梁石頭城

柳碧桑黃破國春殘陽微雨望歸人江山不改
興亡地冠蓋自爲前後塵帆勢掛風輕若翅浪
聲吹岸疊如鱗六朝無限悲愁事欲下荒城迴
首頻

早發宜陵即事

霜白山村月落時一聲雞後又登岐居人猶自
掩關在行客已愁驅馬遲身事不堪空感激鬢
毛看著欲凋衰青萍委匣休哮吼未有恩儲擬
報誰

鴛鴦

紅閑碧靜霽煙開錦翅雙雙去又迴一種鳥憐
名字好蓋緣人恨別離來暖依牛渚汀莎媚夕
宿龍池禁漏催相對若教秦女見便須攜由鳳
凰臺

春閨

愁坐蘭閨日過遲捲簾巢燕羨雙飛管絃樓上
春應在楊柳橋邊人未歸玉笛豈能留舞態金
河猶自浣戎衣梨花滿院東風急惆悵無言倚
錦機

贈東川梓潼縣韋德孫長官

前代高門今宰邑懷才重義古來無
笙歌厭聽吟清句京洛思歸展畫圖
蜀醞天寒留客醉隴禽山曉隔簾呼
何年期拜朱旛貴馬上論詩在九衢

題水簾洞

一作亭一本無題洞二字

亂泉飛下翠屏中名共真珠巧綴同
一片長垂今與古半山遙聽雨兼風
雖無舒卷隨人意自有潺湲濟物功
每向暑天來往見疑將仙子隔房櫳

野花

拂露叢開血色殷枉無名字對空山
時逢舞蝶尋香至少有行人輟棹攀
若在侯門看不足爲生江岸見如閑
結根畢竟輸桃李長近都城紫陌間

蘆花

如練如霜乾復輕西風處處拂江城
長垂釣叟看不足暫泊王孫愁亦生
好傍翠樓裝月色枉隨紅葉舞秋聲
最宜羣鷺斜陽裏閑捕織鱗傍爾行

山陽貽友人

性僻多將雲水便山陽酒病動經年行遲暖陌
花攔馬睡重春江雨打船閑弄玉琴雙鶴舞靜
窺庭樹一猿懸結茅更莫期深隱聲價如今滿
日邊

長安惜春

千門共惜放春迴半鎖樓臺半復開公子不能
留落日南山遮莫倚高臺殘紅似怨皇州雨細
綠猶藏盡蠟灰畢竟思量何足歎明年時節又
還來

謝友人遺華陽巾

翦霧裁煙勝角冠來從玉洞五雲端醉宜薤葉
歌斜影穩稱菱花子細看野客愛留籠鶴髮溪
翁爭乞配魚竿真仙首飾勞相寄塵土翻慙戴
去難

早梅

綴雪枝條似有情凌寒澹注笑粧成凍香飄處
宜春早素豔開時混月明遷客嶺頭悲裊裊美
人簾下妬盈盈滿園桃李雖堪賞要且東風晚
始生

留題張逸人草堂

長懸青紫與芳枝塵路無因遠別離馬上多於
在家日樽前堪惜少年時關河客夢還鄉後雨
雪山程出店遲却羨高人此中老軒車過盡不
知誰

鍾陵崔大夫罷鎮攀隨再經匡廬寺宿
一拋文戰學從公兩逐旌旗宿梵宮酒醒月移
窻影畔夜涼身在水聲中侯門聚散真如夢花
界登臨轉悟空明發不堪山下路幾程愁雨又
愁風

留獻彭門郭常侍

聞得彭門擁信旗一家將謂免羈離到來門館
空歸去羞向文親說受知層構尚無容足地尺
波寧有躍鱗時到頭忍耻求名是須向青雲覓
路岐

洛水

一道潺湲濺暖莎年年惆悵是春過莫言行路
聽如此流入深宮恨更多橋畔月來清見底柳
邊風緊綠生波縱然滿眼添歸思未把漁竿奈
爾何

聞杜鵑

花時一宿碧山前
明月東風叫杜鵑
孤館覺來聽半夜
羸僮相對亦無眠
汝身哀怨猶如此
我淚縱橫豈偶然
爭得蒼蒼知有恨
汝身成鶴我成仙

赴職單于留別闕下知己

一作留獻所知

職忝翩翩逐建牙
笑隨征騎入胡沙
定將千里書憑鴈
應看三春雪當花
年長有心終報國
時清到處便營家
逢秋不擬同張翰
爲憶鱸魚却歎嗟

落第書懷寄友人

清世誰能便陸沉
相逢休作憶山吟
若教仙桂在平地
更有何人肯苦心
去國漢妃還似玉
亡家石氏豈無金
且安懷抱莫惆悵
瑤瑟調高樽酒深

鸚鵡詠

玉檻瑤軒任所依
東風休憶嶺頭歸
金籠共惜好毛羽
紅嘴莫教多是非
便向邨堂誇飲啄
還應禰筆發光輝
乘時得路何須貴
燕雀鸞凰各有機

題滄浪峽

關向紅塵日日開，入門襟袖遠塵埃。暗香惹步
澗花發晚影，逼簾溪鳥迴。不爲市朝行路近，有
誰車馬看山來。可憐巖子持竿處，雲水終年鎖
綠苔。

白角簞

疊玉駢珪巧思長，露華煙魄讓清光。休搖雉尾
當三伏，似展龍鱗在一牀。高價不唯標越絕，冷
紋疑是卧瀟湘。杜陵他日重歸去，偏稱醉眠松
桂堂。

秋日懷江上友人

行子豈知煙水勞，西風獨自泛征艘。酒醒孤館
秋簾捲，月滿寒江夜笛高。黃葉夢餘歸朔塞，青
山家在極波濤。去年今日逢君處，鴈下蘆花猿
正號。

題笙

筠管參差排鳳翅，月堂淒切勝龍吟。最宜輕動
纖纖玉，醉送當觀濫濫金。緜嶺獨能徵妙曲，羸
臺相並吹清音。好將宮徵陪歌扇，莫遣新聲鄭
衛侵。

下第

漫把青春酒一盃愁襟寧信灑能開江邊依舊
空歸去帝里還^同不到來門掩殘陽鳴^{一作}鳥雀
花飛何處好池臺此時惆悵便堪老何用人間
歲月催

秋晚

殘星殘月一聲鐘水際巖根爽氣濃不向碧堂
驚醉夢但來清鏡促愁容繁金露露荒籬菊獨
翠凝煙遠澗松閑步幽林與苔徑漸移棲鳥息
鳴^{一作}蛩

長安春夕旅懷

幾年棲旅寄西秦不識花枝醉過春短艇閑思
五湖浪羸蹄愁傍九衢塵關河風雨迷歸夢鐘
鼓朝昏老此身忽向太平時節過一竿持去老
遺民

洛陽春望

洛陽春霽絕塵埃嵩少煙嵐盡障開草色花光
惹襟袖簫聲歌響隔樓臺人心便覺閑多少馬
足方知倦往來愁上中橋橋上望碧波東去夕
陽催

惜春

燕歸巢後即離羣吟倚東風恨日曛一別一年
方見我遊來遊去不禁君鶯花御苑看將盡絲
竹侯家亦少聞獨在南樓最惆悵柳塘飛絮更
紛紛

冬日旅懷

烏燄纔沉桂魄生霜塔擁褐暫吟行閑思江市
白醪滿靜憶僧窓綠綺橫塵土自憐長失計雲
帆尤覺有歸情幾多悵望無窮事空畫爐灰坐
到明

春夕寄友人時有與歌者南北

芳徑春歸花半開碧山波暖鴈初迴滿樓月色
還依舊昨夜歌聲自不來愁眼向誰零玉筍征
蹄何處駐紅埃中宵吟罷正惆悵從此蘭堂鎖
綠苔

春夜赤水驛旅懷

一星殘燭照離堂失計遊心歸渺茫不自尋思
無道路爲誰辛苦競時光九衢春色休迴首半
夜溪聲正夢鄉却羨去年買山侶月斜漁艇倚
瀟湘

春夜山館旅懷

山館吟餘山月斜東風搖曳拂窗花豈知驅馬
無閑日長在他人後到家孤劍向誰開壯節流
年催我自堪嗟燈前結束又前去曉出石林啼
亂鴉

秋夕旅懷

堦前月色與蛩聲堦上愁人坐復行秦谷入霜
空有夢越山無計可歸耕窮途若遣長堪慟華
髮何因肯晚生不似扁舟釣魚者免將心事筭
浮榮

春過白遙嶺

鳥道穿雲望眼遙羸蹄經宿在岩堯到來山下
春將半上得林端雪未銷返駕王遵何足歎哭
途阮籍漫無聊未知遇此悽惶者泣向東風鬢
欲凋

洪邁取前四句為絕句

別夜

秋入江天河漢清迢迢鐘漏出孤城金波千里
別來夜玉筯兩行流到明若在人間須有恨除
非禪伴始無情人間誰有
聚散自然惆
悵生

費拾遺書堂

滿袖歸來天桂香
紫泥重降舊書堂
自憐葦帶同巢許
不駕蒲輪佐禹湯
怪石盡涵千古秀
竒花多吐四時芳
何人更肯追高躅
唯有樵童戲薜牀

溪上春望

無端溪上看蘭橈
又是東風斷柳條
雙鬢多於愁裏鏹
四時須向醉中銷
行人駿馬嘶香陌
獨我殘陽倚野橋
吟水詠山心未已
可能終不勝漁樵

獻池州庾員外

曾降瑤緘薦姓名
攀雲幾合到蓬瀛
須存彭壽千年在
終見茅公九轉成
鯤海已知勞鶴使
瑩窻那不夢霓旌
琪花玉蔓應相笑
未得歌吟從酒行

春風

二
歲東來助
飛
空悠颺徧寰瀛
暗添芳草池塘色
遠逝高樓簫管聲
簾透驪宮偏帶恨
花催上苑剩多情
如同一統車書日
吹取青雲道路平

冬日寄獻庾員外

曾謁仙宮最上仙
西風許醉桂花前
爭歡酒蟻浮金爵
從聽歌塵撲翠蟬
秋霽捲簾疑錦席
夜閑吹笛稱江天
却思紫陌觥籌地
兔缺烏沉欲半年

釣翁

一作鄭谷詩

來往煙波非定居
生涯蓑褐外無餘閑
垂兩鬢任如鶴
只繫一竿時
得魚月浦扣船歌
紋潔雨篷隈
岸卧蕭疎行人誤
話金張貴笑指北邙丘
與墟

聞友人赴幕因以詩贈

稽嶺春生酒凍銷
煙鬟藉袖恃嬌饒
峰邊聚雪晴香老
波上長虹晚影遙
正哭阮途歸未得更
聞江筆赴嘉招人
間榮悴真堪恨
坐想征軒鬢未凋

東歸

日日唯憂行役遲
東歸可是有家歸
都緣桂玉無門住
不筭山川去路非
秦樹夢愁黃鳥轉
吳江釣憶錦鱗肥
桃李豔清明近
惆悵當年意盡違

入關

古道槐花滿樹開
入關時節一蟬催
出門唯恐不先到
當路有誰長待來
似箭年光還可惜
如蓬生計更堪哀
故園若有漁舟在
應掛雲帆早箇迴

覽陳丕卷

雪宮詞客燕宮遊
一軸煙花象外搜
漫把蜀紋當畫展
徒誇湘碧帶春流
吟時致我寒侵骨
得處疑君白盡頭
從此南歸明月夜
嶺猿難鳥更悠悠

巴南旅舍言懷

萬浪千巖首未迴
無慘相倚上高臺
家山如畫不歸去
客舍似雙誰遣來
紅淚罷窺連曉燭
碧波休引向風盃
後時若有青雲望
何事偏教羽翼摧

登凌歊臺

高臺今日竟長閑
因想興亡自慘顏
四海已歸新雨露
六朝空認舊江山
槎翹獨鳥沙汀畔
風逝連檣雪浪間
好是輪蹄來往便
誰人不向此躋攀

一作風亞荒
林雨雪間

傑射陂晚望

離人到此倍堪傷
陂水蘆花似故鄉
身事未知何日了
馬蹄唯覺到秋忙
田園牢落東歸晚
道路辛勤北去長
却羨無愁是沙鳥
雙雙相趁下斜陽

芳草

廢苑牆南殘雨中
似袍顏色正蒙茸
微香暗惹遊人步
遠綠纔分鬪雉蹤
三楚渡頭長恨見
五侯門外却難逢
年年縱有春風便
馬跡車輪一萬重

秋日留題蔣亭

一作山

西風纔起一蟬鳴
便筭關河上馬程
碧浪鷓舟從此別
丹青鵠箭忽無成
二年芳思隨雲雨
幾月離歌怨旆旌
迴首橫塘更東望
露荷煙菊倍傷情

早發

一點殘燈魯酒醒
已攜孤劍事離程
愁看飛雪聞雞唱
獨向長空背鴈行
白草近關微有路
濁河連底凍無聲
此中來往本迢遞
況是驅羸客塞城

鴈二首

暮天新鴈起汀洲紅蓼花開水國愁想得故園
今夜月幾人相憶在江樓
早背胡霜過戍樓又隨寒日下汀洲江南江北
多離別忍報年年兩地愁

螢二首

水殿清風玉戶開飛光千點去還來無風無月
長門夜偏到堦前點綠苔
徘徊無燭冷無煙秋徑莎庭入夜天休向書窻
來照字近來紅蠟滿歌筵

看花

花開只恐看來遲及到看了愁如未看時家在楚鄉
身在蜀一年春色負歸期

柳絮

處處東風撲晚陽輕輕醉粉落無香就中堪恨
隋堤上曾惹龍舟舞鳳凰

雲

紛紛靄靄徧江湖得路爲霖豈合無莫使悠颺
只如此帝鄉還更暖援蒼梧

芳草

曲江岸上天街裏兩地縱生車馬多不似萋萋
南浦見晚來煙雨半相和

出都門

青門春色一花開長到花時把酒盃自覺無家
似潮水不知歸處去還來

宮中二首

芳草長含玉輦塵君王遊幸此中頻今朝別有
承恩處鸚鵡飛來說似人
雖然自小屬梨園不識先皇玉殿門還是當時
歌舞曲今來何處最承恩

河湟

河湟何計絕烽煙免使征人更戍邊盡放農桑
無一事遣教知有太平年

聞子規

蜀魄千年尚怨誰聲聲啼血向花枝滿山明月
東風夜正是愁人不寐時

望仙

一本有
臺字

千金壘土望三山雲鶴無蹤羽衛還若說神仙
求便得茂陵何事在人間

放鷓鴣

好傍青山與碧溪，刺桐毛竹待雙棲。
花時遷客傷離別，莫向相思樹上啼。

驪山

風搖巖桂露，香白鹿驚時。出繞牆，不向驪山鎖，
宮殿可知仙去是明皇。

梅花

繁如瑞雪壓枝開，越嶺吳溪免用栽。
却是五侯家未識，春風不放過江來。

雞冠花

一枝濃豔對秋光，露滴風搖向砌旁。
曉景乍看

何處似謝家新染紫羅囊

汴河

煬帝開河鬼亦悲，生民不獨力空疲。
至今嗚咽東流水，似向清平怨昔時。

渡江有感

岸落殘紅錦雉飛，渡江船上夕陽微。
一枝猶負平生意，歸去何曾勝不歸。

題終南山僧堂

九衢終日見南山，名利何人肯掩關。
唯有吾師達真理，坐看雙樹老雲間。

大散嶺

過往長逢日色稀
雪花如掌撲行衣
嶺頭却望
人來處
特地身疑是鳥飛

嘉陵江

嘉陵南岸雨初收
江似秋嵐不煞流
此地終朝
有行客
無人一為棹扁舟

早行

雨灑江聲風又吹
扁舟正與睡相宜
無端戍鼓
催前去
別却青山向曉時

黃河曉渡

大河平野正窮秋
羸馬羸僮古渡頭
昨夜蓮花
峰下月
隔簾相伴到明愁

溫泉

一條春水漱莓苔
幾繞玄宗浴殿迴
此水貴妃
曾照影
不堪流入舊宮來

秋怨

夢斷南窗啼曉鳥
新霜昨夜下庭梧
不知簾外
如珪月
還照邊城到曉無

歎別

北來南去幾時休
人在光陰似箭流
直待江山

盡無路始應拋得別離愁

送春

欲別東風剩黯然亦知春去有明年世間爭那
人先老更對殘花一醉眠

蠟燭

暖香紅燄一時然緹幕初垂月落天堪恨蘭堂
別離夜如珠似淚滴樽前

陳宮

白玉樽前紫桂香迎春閣上燕雙雙陳王半醉
貴妃舞不覺隋兵夜渡江

水簾

萬點飛泉下白雲似簾懸處望疑真若將此水
爲霖雨更勝長垂隔路塵

賞春

一作芳草
一作春遊鬱然有懷賦

芳草和煙暖更青閑門要路一時生年年點檢
人間事唯有春風不世情

歎平泉春

一作傷
平泉莊

生前幾到此亭臺尋歎投荒去不迴若使春風
會人意花枝盡合向南開

長安春雨

兼風颯颯灑皇州能滯輕寒與勝遊半夜五侯
池館裏美人驚起爲花愁

駕蜀迴

上皇西幸却歸秦花木依然滿禁春唯有貴妃
歌舞地月明空殿鎖香塵

吳王古宮井二首

古宮荒井曾平後見說耕人又鑿開拾得玉釵
鐫勅字當時恩澤賜誰來

含青薜荔隨金螯碧砌磷磷生綠苔莫言數尺
無波水曾與如花並照來

江帆

別離不獨恨蹄輪渡口風帆發更頻何處青樓
方凭檻半江斜日認歸人

爲人感贈

歌舞從來最得名如今老寄洛陽城當時醉送
龍驤曲留與誰家唱月明

春江恨別

望斷長川一葉舟可堪歸路更沿流重來別處
無人見芳草斜陽滿渡頭

歎流水二首

一本無
歎字

人間莫漫惜花落花落明年依舊開却最堪悲
是流水便同人事更無迴
龍躍虬蟠旋作潭繞紅濺綠下東南春風散入
侯家去漱齒花前酒半酣

落第東歸

年年春色獨懷羞強向東歸懶舉頭莫道還家
便容易人間多少事堪愁

題鏡

昔歲相知別有情幾迴磨拭始將行如今老去
愁無限把向閑窗却怕明

南行

臘晴江暖鷓鴣飛梅雪香粘越女衣魚市酒村
相識徧短船歌月醉方歸

公子行

金鞍玉勒照花明過後春風特地生半醉五侯
門裏出月高猶在禁街行

春日偶題城南韋曲

韋曲城南錦繡堆千金不惜買花栽誰知豪貴
多羈束落盡春紅不見來

上東川顧尚書

輕財重義真公子長策沉機繼武侯龍節坐持
兵十萬可憐三蜀盡無憂

過王濬墓

埋骨千年近路塵路傍碑号晉將軍當時若使
無功業早箇耕桑到此墳

灞上感別

灞水何人不別離無家南北倍堪悲十年此路
花時節立馬沾襟酒一卮

春日與友人話別

坐酌對芳草東風吹旅衣莫嫌驅馬倦自未有

山歸華髮時將逼青雲計又非離襟一沾灑迴
首正殘暉

竹

翠葉纔分細細枝清陰猶未上堦墀蕙蘭雖許
相依日桃李還應笑後時抱節不爲霜霰一作雪改
成林終與鳳凰期渭濱若更徵賢相好作漁竿
繫釣絲

邊將

上馬乘秋欲建勳飛狐夜闕出師頻若無紫塞
煙塵事誰識青樓歌舞人戰骨沙中金鏃在賀

筵花畔玉蟾新由來邊卒皆如此只是君門合
殺身

羅鄴詩集

校延令鈔本補詩十八首錄如別紙增相
命三月初二日

羅鄴詩補遺

偶題離亭

萬般名利不關身況待山平海變塵五月波濤
爭下峽滿堂金玉為何人謾誇浮世青雲貴未
盡離杯白髮新誰似雨蓬蓬底客渚花汀鳥自
相親

夏晚望嵩亭有懷

正憐雲水與心違湖上亭高對翠微盡日不妨
憑檻望終年未必有家歸青蟬漸傍幽叢噪白
鳥時穿返照飛此地又愁無計住一竿何處是

筵花畔玉蟾新由來邊卒皆如此只是君門合
殺身

羅鄴詩集

校延令鈔本補詩十八首錄如別紙增相
三月初二日

羅鄴詩補遺

偶題離亭

萬般名利不關身況待山平海變塵五月波濤
爭下峽滿堂金玉為何人謾誇浮世青雲貴未
盡離杯白髮新誰似雨蓬蓬底客渚花汀鳥自
相親

夏晚望嵩亭有懷

正憐雲水與心違湖上亭高對翠微盡日不妨
憑檻望終年未必有家歸青蟬漸傍幽叢噪白
鳥時穿返照飛此地又愁無計住一竿何處是

因依

途中寄友人

秋庭悵望別君初折柳分襟十載餘相見或因
中夜夢寄來多是隔年書攜樽座外花空老垂
釣江頭柳漸疎裁得詩憑千里雁吟來寧不憶
吾廬

傷侯第

世間榮辱半相和昨日權門今雀羅萬古明君
方納諫九江遷客更應多碧池草熟人偷釣畫
戟春閑鶯亂過幾許樂僮無主後不離隣巷教

笙歌

春日過壽安山館

舊國多將泉石親西遊愛此拂行塵簾開山色
離亭午步入松香別島春誰肯暫安耕釣地相
逢謾歎路岐身歸期不及桃花水江上何曾鱸
雪鱗

吳門再逢方干處士

天上高名一作才世上身垂綸何不駕蒲輪一朝
卿相俱前席千古篇章冠後人稽嶺不歸空挂
夢吳一作燕宮相值欲沾巾吾王若致昇平化可

獨成周只渭濱

蟬

纔入新秋百感生
就中蟬噪最堪驚
能催時節凋雙鬢
愁到對一作江山聽一聲
不傍管絃拘醉態
偏依楊柳撓一作離情
故園聞處猶惆悵
況是經年萬里行

秋日留別義初上人

塞寺窮秋別遠師
西風一雁倍傷悲
每嗟塵世長多事
重到禪齋是幾時
霜嶺自添紅葉恨
月溪休和碧雲詞
關河回首便千里
飛錫南歸詎

可知

夏日宿靈巖寺宗公院

寺入千巖石路長
孤吟一宿遠公房
臥聽半夜杉壇雨
轉覺中峯枕簟涼
花界已無悲喜念
塵襟自足是非妨
他年縱使重來此
息得心猿鬢已霜

冬日廟中書事呈棲白上人

日高荒廟掩雙扉
杉徑無人鳥雀悲
昨日江湖一作起歸思
滿窓風雨覺來時
何堪身計長如此
閑盡爐灰却是疑
賴有碧雲吟句客
禪餘相

訪說新詩

夏日題遠公北閣

危閣壓山岡，晴空疑鳥行。
勝搜花界盡，響益梵音長。
有月堪先到，無風亦自涼。
人煙紛繞繞，諸樹共蒼蒼。
榻戀高樓語，甌憐晝茗香。
此身閑未得，驅馬入殘陽。

秋蝶二首

秦樓花發時，秦女笑相隨。
及到秋風日，飛來欲問誰。

似厭栖寒菊，翩翩占晚陽。
愁人如見此，應下淚。

千行

秋別

別路垂楊柳，秋風淒管絃。
青樓君去後，明月為誰圓。

共友人看花

愁將萬里身，來伴看花人。
何事獨惆悵，故園還又春。

行次

終日長程復短程，一山行盡一山青。
路傍君子莫相笑，天上由來有客星。

鳳州北樓

城上層樓北望時
閑雲遠水自相宜
人人盡道堪圖畫
枉遣山翁醉習池

贈僧

繁華舉世皆如夢
今古何人肯暫閑
唯有東林學禪客
白頭閑坐對青山

